

F. L V Y S I I L E-
 G I O N E N S I S A V G V S T I-
 N I A N I D I V I N O R V M L I-
 B R O R V M P R I M I A P V D S A L-
 M A N T I C E N S E S
 I N T E R P R E T I S.

I N P S A L M V M V I G E S I M V M.
 S E X T V M E X P L A N A T I O.



S A L M A N T I C Æ,
Excudebat Lucas à lunta. M. D. LXXX.
 C V M P R I V I L E G I O.

EST A obra es Catholica de buena y sana doctrina, pue
de se imprimir con utilidad y fruto de los fieles. En Ma-
drid, catorze de Marzo, de mil y quinientos y setenta y ocho
años.

*Fr. Hernando
de Castillo.*

<i>Pagina.</i>	<i>Linea.</i>	<i>Legen.</i>
4.	10.	aut lex sit.
9.	23	quas.
25.	14.	rationem.
omnia suis locis correcta		

ILLVSTRISSIMO
D. D. GASPARI QUIROGA,
S. R. E. CARDINALI, ARCHIE
piscopo Toletano, rerum fidei supre-
mo iudici. F. Luyfius Legionensis
Augustinianus.
S. P. D.

RE S aduersas, Quiroga Car-
dinalis amplissime, vulgo
homines in malis ponunt,
Stoici in fugiendis numera-
bant, rectè autem instituta
ratio, disciplinaque Chri-
stiana in bonis ducit. Non
quòd acerba, & amara, amara & acerba non
sint: sed quod ægris amara quæ sunt, læpè sint
salutaria. ægrotamus autem omnes: labora-
musque alijs alijs animorum morbis. Atque hæc
quidem ratio, apud eos, qui seratione duci per-
mittunt, satis efficit, fortunæ iniurias in malis
non esse numerandas. sed est alia quædam quæ
Christi cultores propriè moueat, quod ex his re-
bus, non solum, vt cæteri, vtilitatem capiant, sed
etiam quam cæteris molestiam & acerbiteriam

istæ res afferunt, eam ipsi non sentiant: propterea quod ea sit Christi erga seruos suos dulcedo atque bonitas, ut eos, cum in eiusmodi acerba incidunt, torqueri ab eis, aut vexari non facile sinat: sed potius ita foueat, itaque imbuat cælesti dulcedine, omnem ut dolorem illis, omnem quem cœrorem abstergat. Quod & ipse, tametsi nullo modo is sim, qui numerari seruis Dei possim, tamen benignè mecum Deo, & clementissimè agente expertus in me sum, illo meo calamitoso, ut vulgo iudicatur, & misero tempore: cum quorundam hominum artibus in suspicionem læsæ fidei criminose vocatus, semotus ab hominum nō solūm sermone, & congressu, sed etiam aspectu, per quinque ferè annos in carcere, & in tenebris acui. Ea enim tūc animi quiete, atque lætitia gaudebam, quam nūc luci redditus, & amicissimorum mihi hominum consuetudine fruens, sæpe requiro. Ut mirari satis non possim, quantus in humanis rebus error, & deceptio versetur, quamq; ab eo quod sunt, pleręque res aliæ esse credantur. Illa enim quæ mala esse magna omnes putant, & certè, ipsa per se si spectentur, sunt maxima. nihil enim eorum, quæ, vel animum ægritudine afficiunt, vel corpori


pori molestiam afferūt, ab illa abesse vita putandum est. sed quę mala creduntur maxima, ea expertus sum voluptatibus dulcissimis esse plena. Neque id totū ex eo erat, quod me optimę mētis meę conscientia consolaretur, quamquā & ea me sustentabat plurimum. est enim illius magna vis. sed conscientia recta, vt æquo animo feras aduersa facit, non autem iucunda ea vt sint, efficit. itaque leniebat egritudinem conscientia, sed quod me potissimum consolabatur, neque consolabatur solū, sed & lætitia interdū perfundebat tanta, quantam non queo dicere, vis quędam bonitatis Dei erat immensa, & incredibilis. Qua de vi, ac bonitate diuina, illo, quod dico, tempore: dum extare mihi eius otij aliquē fructum volo, & legendo assiduē atque scribendo, à molestis cogitationibus animum auoco, in vicesimum sextum Dauidis Psalmum quędam sum commentatus. quę nunc cum relegerem ita me affecerunt, vt ea non inutiliter edi posse, censerem: quod item alijs nonnullis visum est. Itaque illa nunc edo. Edo autem, Cardinalis illustrissime, sub tuo nomine ea de causa, quod per te profectò habeo, ea vt possim, edere. Nam cum causa, lisq; mea sæpe cognosci cœpta, eius

cognitione varijs rationibus intermissa, & in aliud tempus dilata, ita produci videretur, nemo vt vires, aut animi, aut corporis mei tanto oneri suffecturas esse speraret: tu, ea vt cognosceretur, atque terminaretur æquum esse censuisti: cognouisti quæ eam ipse per te: & ea cognita, atque eius veritate perspecta & crimine, & suspicionem criminis exsolutum: libertati quæ, ac dignitati meæ pristinæ redditum, me tandem meis, meosque mihi restituiti. Quo beneficio nullū maius in hoc genere, neque à bono viro optari debeat, neque qui ipse bonus sit vir cuiquā tribuere. à te certè nihil aliud expectandum fuit, qui tametsi virtutibus sis ornatus omnibus, tamē præ cæteris vnā iustitiam ita coluisti, & adamauisti semper, ea, vt te summa integritatis laude cōmendatum, per omnes honorum gradus ad id, in quo es, fastigium euexerit. Quo etiam mihi gratius, & honestius fuit absolui tuo iudicio, hoc est, vt ego interpretor, & vt omnes, quibus tua est nota virtus. cui autem ea sit ignota, quæ in clarissima luce, & maximarum rerum administrationibus sit semper versata? Itaque eò mihi gratius fuit iudicio absolui tuo, id est, iudicio, vt omnes norunt veritate ipsa subnixo, non gratia
alicuius

alicuius eblandito, aut expresso. Quare integritas tua, innocentia mihi magnum testimoniū reddidit, eademq; effecit, liceat vt mihi lucis iā, atque vitæ libero vsu fruente, huius generis quædam edere, eisque edendis & ad te mittendis, nō solum accepti abs te beneficij memorē me esse ostendere, sed etiam mei memoriā in te renouare. Sed alia aliās. nunc huic libello velim pro tua humanitate, des locum inter tuos libros, paruo illi quidem, sed quamuis paruo, tamen
& multis nominibus tibi à me debito:
& meæ in te summæ obseruantia
omnibus fidem facturo.

Vale.

I N P S A L M V M
VIGESIMVM SEXTVM
EXPLANATIO.

 VAMQVAM hic Psalmus apud Hebræos *אנשי צדק* est, id est, sine historię argumento, tamen, quod è Gręca inscriptione colligitur, videtur scriptus à Dauide esse, quo tempore Saulem fugiebat, atque ea occasione potissimum, quod ad ipsum Ceilæ commorantem confugisset Abiatharus sacerdos, eiusdem Saulis & ipse iram, & crudelitatem declinans. Nam cum Dogeus quidam genere Idumæus Saulis Regis libertus, ad ipsum Regem detulisset Nobe in ædibus summi Sacerdotis Achimelechi, Dauidem versatum, ab eodẽ fuisse adiutum, & consilio, & armis, & cõmeatu: ira exarsisse Saul scribitur: & vt sunt Regum in ira præcipitia cõsilia, Achimelechum ipsum ad se accersitum, & cum eo magnum sacerdotum numerũ ferro interemisisse, & urbem Nobem, ad quam, ne suspicio quidem criminis pertinebat excindi mandasse etiam traditur. Hac igitur ex cæde, & vrbis ruinata, vnus cū euasisset Abiatharus, Achimelechi summi Sacerdotis filius, & ipse Sacerdos summus ad Dauidem se contulit, secum deferens Ephod. Id autem
A fuit

fuit apud Hebræos sacræ vestis *genus*, quo sacerdotes illorū cum diuina responsa requirebant, semper utebantur. Quæ res Dauidi dubijs in rebus præsidio ac saluti fuit. Nam quoties consilia sua explicare ipse non poterat, quod vel imminere sibi, aliquod periculum metuebat, vel hærebat in rebus dubijs, obuia sibi sacerdotis, & sacræ vestis opportunitate utebatur, & per Abiatharum diuinum consulebat oraculum, eiusque admonitu quæ instabant, mala declinabat. Cuius rei experimētum cœpit, paulò post Abiathari ad ipsum aduentum. Opem ferebat Dauid per ea tempora Ceilæ Iudæorum vrbi, cuius ex agro hostes Syri prædas agebāt. Id cum Saul cognouisset Dauidem, videlicet, Ceilæ versari opprimendi eius occasionem, cui rei semper studio imminebat, eam optimam arbitratus, comparata militum manu Ceilam versus ire cœpit. quod cum incertis rumoribus fama ad Dauidem pertulisset, suspicio illi obiecta est, & metus non leuis, num se Ceilani prodituri essent: & Sauli tradituri. Quare Abiatharum adiens Deum per ipsum consuluit. cumque oraculo audisset, fore magnum vt vitæ periculum adiret, siquidem diutius Ceilæ moraretur, ob Ceilanorum in ipsam perfidiam Ceilam maturè reliquit. Igitur in ipso aduentus Saulis & copiarum ab ipso comparatarum primo nuntio, atque metu: vel certè statim postquàm oraculi admonitu laqueos exiit Dauid, in quos imprudens se induit, credibile est hunc Psalmum esse confectum, cuius exordia gratulatione, de periculo

2. Reg. 23

culo, quod Dei admonitu euaserat, cum tacita quadam & amara hostium suorum irrisione constant. extrema verò in imploranda, ac sibi amplius concilianda Dei ope, atque gratia, ad ea propulsanda pericula, quæ restare videbat, versantur. in quo etiam mentio quædam fit eiustemporis, cum in tabernaculum Dei ex fuga primum se recepit: ibique delituit, eo usque quoad se ipse collegit. cuius diei atque facti recens, scilicet, memoria adhuc in illius animo residebat. Cû igitur sanctus Dauid partim lætaretur, quod oraculo admonitus præsens periculum vitasset: quodque sibi potestas esset, Deum quoties vellet suo arbitratu rogandi: partim sibi adhuc vehementer metueret, ab hostibus suis, quorum quamuis impias manus effugerat, tamen illorum cruenta odia, & insidiæ perpetuæ, quæ tandem exitum habituræ ad extremum essent pertimescebat: cumque ob eam causam fluctuaret animo, alternis & spei, & timoris fluctibus agitatus: tandem ab ipsis experimentis fiduciam concipiens, Dei auxilium sibi non futurum: inanes illos, & degeneres metus coercuit: & tranquillitate animi, ac serenitate constituta, lætus ac bonæ spei plenus, in has voces prorupit. Dominus illuminatio mea, & salus mea, quem timebo? Quas quidem voces ita Dauid ex sua persona protulit, ut prophetico, quo excellebat spiritu in Christum Iesum, cuius humana vita, quâuis ærumnosa, & telis inimicorum obiecta tamen summis Dei præliis cõmunita foelicissimum exitum erat habitura, opti-

Aute

mè quadrare præviderit: & ex persona illius præcipuè accipi voluerit. In quo etiam illud intellexit, formulam quandam cum Deo agendi, à se in hoc Psalmo præscribi, qua cuncti ærumnosi, atque mileri, qui in vnus Dei præsidio confiderent, communiter vti possent. Quæ res nobis in causa fuit, vt hunc præcipuè Psalmum interpretari vellemus, quod eius pleraque omnia, hoc meo tempore aptè à me, & verè usurpari posse viderè. Ab inimicis enim meis, quos non iniuria aliqua ipsis à me illata offendit, & existit, inlihosissimè circuuentus, & calumnijs oppressus: non solum pristinis meæ vitæ bonis, atque ornamentis careo, sed etiam hoc communi spiritu, atque libero excludor. Quo in malo, hoc vno solatio meo consolor, quo ex s. crâ in literarum lectione, & meditatione diuinæ bonitatis afficior. Nam cum aliquid benignè, & misericorditer à Deo factum, aut cū innocentem aliquem de inimicorum manibus liberatum in eis literis lego, aut cum Dei providentiam atque bonitatem Dauidem ita pleno ore prædicantem in his carminibus audio, suasque in Deo omnes spes collocantem ipsum conspicio, diuinæ mihi bonitatis atque providentiæ, in animo tantum elucet lumen, tantaque excitatur, atque existit in me bona spes: vt minimè dubitem, quin nostris ille rebus, id est, veritati, cuius nunquam deserit patrociniū, subuenturus aliquando tandem sit & magnum, atque præiens auxilium allaturus. quaspe frectus omnes huius mei casus molestias faciliè, & æquo animo perfero.

perfero. nonnunquamque & ipse cum Dauid *di-*
co. Qui tribulant me inimici mei, ipsi infirmabun-
 tur, & cadent: illudque sæpius, quod in hoc ipso *tr-*
mine scribitur. Insurrexerunt in me testes iniqui, &
 mentita est iniquitas sibi. meque rursus illis verbis
 confirmo. Quoniam pater meus & mater mea dere-
 liquerunt me, Dominus autem assumpsit me. illi-
 que; maximè. Si consistant aduersus me castra non time-
 bit cor meum. Si exurgat aduersus me prælium in
 hoc ego sperabo. Sed de nobis aliàs nunc Dauidici
 carminis interpretationē aggrediamur, quod ex per-
 sona Dauidis nobis enarrandum in primis est: sic ta-
 men vt cum visum fuerit ad Christi personam pro-
 priè, & ad miserorum communem causam vniuersè
 tractandam, liberè digrediamur. Iam igitur quid di-
 cat, audiamus.

DOMINVS illuminatio mea, & salus mea quem ti-
 mebo? Dominus protector vitæ meæ, à quo trepidabo?

IVRE tu quidem ista sancte Dauid: nam si Do-
 minus lux tua est, quæ tanta malorum nox potest ir-
 ruere, quæ mentem tuam tenebris errorum inuol-
 uat? Si idem salus, quis tibi à morte potest inferri ti-
 mor? Si robur tibi, atq; vires Deus suppeditat, quem
 contra, quamuis infestis. hostem nō confutes? imò
 quas hostium copias non delebis? Tria bona com-
 memorat, lucem, salutem, robur, quibus animi vita
 cōtinetur. Etenim totidem infestamur malis. Nam,
 aut ignorantie tenebris à vero aberramus, aut animi
 imbecillitate, & tanquam morbo, à recto deficimus,

a hostili, & externa vi impellimur ad malum. Itaque
 nostri Theologi beatæ vitæ consequendæ rationem,
 & instrumentum omne in his rebus positum & col-
 locatum putant. Primum, si Deus nostræ menti veri-
 tatis lumen præferat, deinde si infusa cœlesti militi-
 animus languentem sanet. postremò si aduersus
 hostiles infestationes, & insultus continenter ipse
 nos protegat, & robur adijciat ad perseuerandum in
 bono. Atque ut isthæc Dei dona in se agnosceret fan-
 ctus David: & ea cum lætitia & gratulatione prædi-
 caret, rebus ipsis, quas paulò ante expertus fuerat, ad-
 ducebatur. Nam cum Ceilæ in maximo vitæ dissi-
 mine versaretur, idque ignoraret ipse, Deus illi, & du-
 bitant lumen oraculo prætulit, & periclitanti salutē
 fuga attulit, & fugienti pro arce munitissima fuit:
 quippè qui illum in tutissimis locis collocari. Ita-
 que lumen ad oraculum redditum, salus ad deuotionem
 instans periculi, protectio ad opportunitatē
 loci editi, atque muniti in quē se contulerat, referenda
 sunt. Quibus rebus cōmemorandis cū sibi David gra-
 tulari intelligendus est, ut antedixi: tum etiam con-
 firmare & erigere animum suum, ad deinceps inre-
 pidè agendum, & si quæ adhuc timoris vestigia in eius
 mente remanserant, ea huius à Deo accepti benefi-
 cij recordatione delere, atque obliterare, & cum
 animo suo quodammodo ita loqui censendus. Quid
 agis anime? quid sic paues? quidve causæ habes, cur
 iam amplius sollicitere? est ne in quo nocere tibi ho-
 stes tui possint? num dolo te, aut consilio percuti-
 tum

num viribus aut copijs superabunt? Deus tibi lumen præfert, quid agere, à quo tibi cauere debeas per singula momenta te docet: Deus ponit pedes tuos tanquam ceruorum, & in excelsis, atque munitis locis ab incurſu inimicorum te tutum conſtituit: idem exhibet ſe tibi & in itinere ducem, & in fuga comitem, & in exilio focium: idem & in rebus dubijs conſilio, & in anxijſ ſolatio, & in formidoloſis ac periculoplennis auxilio te iuuat: ſcis hæc ita eſſe, expertus ipſe es: degenerem ergo, & inanem timorem pone, atque abijce. etenim tam longè abeſſe debes ab eo, quam longè abes à periculo, à quo, quando ſaluſ tua Deo curæ eſt, proſectò abes longiſſimè. Sed Dauid optimus vir, atque ſanctiſſimus, vt de fauore, & auxilio Dei lætaretur, adducebatur ijs beneficijs, quæ paulò ante plurima, atque maxima Deus in ipſum contulerat: vt verò ſperaret, id ſibi perpetuum futurum, egregia quadam, qua ſe pollere apud Deum nō neſciebat gratia, conſequebatur. Nos autem quicumque cuiusmodi ſumus, vt cupiditatibus deuicti noſtris Deum nobis iratum, noſtra culpa reddiderimus, cū mala inſurgere & obſidere nos incipiunt, cūque incidimus in aduerſam aliquam, & acerbam fortunam, qua ſpe niti poterimus? ad cuius auxilium conſugiemus? cui ſalutem commendabimus noſtram? quibus copijs conſili minas, & inſultus malorum deſpiciemus? vtrum nobis peccatoribus, & flagitiſis, & à Dei gratia noſtro peccato repulſis, idem quod homini ſanctiſſimo dicere atque iactare licebit?

bit? Dñ. illuminatio mea, & salus mea quem timebo?
Est ille quidem lux, atque salus proposita omnibus,
sed ego miser meis peccatis, me ea luce priuavi, & in
densissimas tenebras conieci. Adfert Deus salutem,
quod ad se attinet vniuersis: sed ego peccando salu-
tem diuinam à me repuli, & perniciem certam mihi
accerui. Quid ergo est? deficiam animo, & aduersis
succumbam: meque inimicis meis vinciendum, &
constringendum tradam? minimè istud quidem, vt
cedam atque deficiam. resistam potius atq; hoc ipso
acrius ac vehementius, & precibus, & votis contem-
dam. etsi mihi facultatem mea flagitia ademerint
communiter cum Dauide dicendi. Dominus illumi-
natio, & salus mea quem timebo? at profecto nulla
res obstitit, quo minùs submissè & suppliciter dic.
Domine, esto lux mea: esto salus mea ne timeam.
Quare desperet nemo, nec se ab huius orationis com-
munionem exclusum quis putet. nam siue gratia apud
Deum valet, & potest certè idem quod Dauid verè di-
cere: siue gratia Dei priuatus est, & potest pœnitēdo
assequi idem vt dicat. quandoquidem quam certum
est Deum suis pro luce in rebus turbidis, & pro salu-
te esse: tam exploratum esse debet eorum, qui deserta
iniquitate ad hunc numerum bonorum viro-
rum aggregare se velint, nemini aditum intercludi.
Nam quĩ fiat, vt Deus ad bonam mentem redeun-
tes ab se repellat, qui viæ atque virtutis oblitos, & in
peccatis morantes blandissimè vocet? Vocet dixi.
imò hortetur, imò illis, modo ipsum audire velint,
non

non solum delicti veniã, sed iustitię, atq; gratiæ apud se magnum gradum, firmumq; ad bene viuendum suę prouidentię præsidium, atque adeò post bene actam vitam opes immensas, & præmia sempiterna polliceatur. Venite, inquit, ad me omnes qui laboratis, & onerati estis, & ego reficiam vos. & per Prophe- Matt. 11.
Psal. 144
tam, Prope est Dominus omnibus inuocantibus eum, in veritate. Quare si propè adest, vel certè quoniam semper propè adest ijs, qui ipsum inuocant, opem patet asferre: inuocemus audacter ipsum omnes, & cum Dauide dicamus alacriter: tum illud. Dominus illuminatio mea, & salus mea, quem timebo? Tum hoc quod statim subiicitur.

DOMINUS appropians super me nocentes, vt edant carnes meas: qui tribulant me inimici mei, ipsi infirmati sunt, & ceciderunt.

Q V O D Dauid dixerat à Deo salutem, atque præsidium sibi esse paratum, quodq; ea de causa imperauerat animo suo, nullos vt hostium conatus metueret, id nequis fortasse arbitraretur, ab inani fiducia potius, quam à veritate ipsa profectum, & arrogantius, quam verius dictum esse iudicaret: argumēto ducto ab ijs rebus, quas expertus ipse in se esset probat, atque confirmat. Cum enim, inquit, aliquando hostes in me mei irruissent, feri, & cruoris auidi (quod vel ad illud tempus cum domum ad Dauidem à Saule sunt missi satellites, qui illum cubantem obtruncarent, vel certè ad hoc, quod dicimus, fuga euasisse periculum, quod ipsi à Ceilanorum per-

fidia imminebat, est referendum.) Igitur, inquit, cum odio inflammati, & sanguinis mei hauriendi cupiditate incensiqueui, atque truces hostes instarent, mihi-que ipsi nulla expediendę salutis commoda ratio videretur esse reliqua, in ipso illorum ad me opprimendum cursu, & letalem plagam inferendi temporis articulo, illi spe sua frustrati miserè corruerunt: ego autem lætus euasi. Quę huius versiculi sententia, et si satis commodè expressa est, in ista, qua vulgo vtimur iurè probata, & cunctis Latinis editionibus antea edita editione Psalmorum: tamen mirè elucet in Hebraico sermone, verbum, si pro verbo reddatur, hoc videlicet, modo. In ipso appulsu nocentium aduersus me, ad edendum carnem meam. hostes quidē & inimici mei in me, at ipsi impeerunt & corruerunt. Sic enim legimus inimici mei יָדָי. cuius vculę hoc loco magna vis est ad irruentis, vt diximus, & iam plagam penē inferentis hostis incursum declarandum. Quod autem septuaginta interpretes verterunt *enimvero* id est nocētes, & Hieronymus in germana illa Psalmorum ex Hebręo translatione vertit maligni, id, qm̄ Hebręum verbum יָדָי paruo punctorum vocalium discrimine, vel malefacientes significat, vel amicos, fortasse aliquis hoc potius modo, isto loco id verbū accipiat, nulloque recti sensus periculo vertat. Dum appropiant super me amici mei, vt edāt carnes meas: eos vt homines Dauid simulatè appellet amicos, qui cum amici illi esse deberent, quod ab eo multis ac magnis beneficijs affecti essent: necē tamen ei, & in

teritum

teritum moliebantur, quales erant Ceilani. Nam quos capitis sui periculo ab hostium incurfu tutos reddebat ipse, quosque ob recens beneficium fideles futuros arbitrabatur sibi, eorum perfidia penè proditus fuit. Hos igitur, atque his similes alios appellat sodales suos Dauid, omni, scilicèt, hoste nocetiores amicos: utrosque autem, & hos fallaci specie detectos inimicos, & illos apertos & professos suos hostes, Saulem, Saulisque satellites, quos *וְגַם* id est, oppressores suos vocat, in ipso aggressu, & prędę capiendę articulo, pręda è manibus ipforum elapsa falsos spe, atque delusos, turpiter corruisse cum gaudio, & irrisione commemorat. Atque harum quidem rerũ, quę his duobus versiculis continentur: nimirum, & periculi amicorum fraude creati, & belliper eos qui se profitebantur hostes illati, & ad opprimendum hominem innocentem coitionis factę ab vtrisque: ad hæc in ipso penè certaminis conflictu diuinitus obliti pręsidij, cum innocentis salute, & hostium ignominia atque ruina, tanquam vestigia quędam, atque signa, in ijs rebus, quę Dauidi euenerunt, reperiuntur impressa: cæterum vera species eorum omnium, veraque imago, in Christi Iesu humana, atque mortali vitę sic extat, ut minimè dubitari debeat, quin eam sibi propositam habuerit Dauid, cum ista canebat. Nam ut præteream, quę superiori versu dicuntur, proprias Christi voces videri. Etenim alij, quamuis iusti viri, de diuina luce splendoris aliquid ad se deriuāt, & de immęsis Dei opibus nōnullas ad se trāf-

ferunt copias, & de illius infinita vita, nō nihil quod tamen ipsis satis, superque sit, hauriunt & accipiunt: sed, vt hoc verum sit, tamen nemini ipsorum datur, ipsa vt met vita, atque luce Dei viuat, atque illustretur. At Christo Iesu, in quo corporaliter, vt Paulus *Colos. 21.* scribit, plenitudo diuinitatis inhabitat, communione quadam diuinorum bonorum, & cum Dei verbi persona humanæ naturæ ineffabili vnione, ipse Deus pro salute, pro vita, proque fortitudine est. Itaque vt hoc prætermittam, propriè Christo competere vt dicat. Dominus illuminatio mea, & salus mea quem timebo? quis hunc alterum versiculum audit, cui non statim in mentem veniat illius noctis, in qua Dominus Iesus. impia Iudæorum, & Romanorum militū manu comprehensus, atque vinctus fuit? Nam, quis vnquam amici persona reclusus, inimicius, cædisque auidior fuit, quam proditor Iudas? quisve accessus, atque congressus, aut in speciem magis blandus, aut re ipsa magis hostilis, eo eiusdem Iudæ ad Christū accessu esse potuit, cum ipsum de osculatus, militibus qui Christum comprehensuri venerant, quibusque se ille ducem præbuerat, ea re signum dedit ad comprehendendum: & quod erat pacis & amoris symbolum, eo pro classico ad ineundum prælium est vsus? Quid? nonne, & hunc occultum hostem, & alios palam inuadentes inimicos sola voce Christus ita perterrefecit, atque prostrauit: vt quod reliquum est huius versiculi, quodque sequitur. Qui persequuti sunt me inimici mei, ipsi infirmati sunt, & ceciderunt. in

re gesta dici, non vaticinium defutura esse, iure omnibus videatur? Quamquam non in illa nocte modo atque in illis tenebris hostes in se irruentes Christus deuicit: sed multo verius postera, & in sequenti die, media luce, cum ab eisdem indignissima morte affectus est, ipso illo actu moriendi, ipsoque extremo spiritu debellauit. Debellauit, inquam, tum Iudæos, funestæ illius cædis satellites, & ministros: tum Sathanam, Sathanæque addictas aërias potestates, tantis ce-
Coloss. 2.
 leris duces, & authores, sicut Paulus scripsit. Spolians principatus, & potestates, traduxit confidenter palam triumphans illos in semetipso. A cuius enim vita dæmones suæ tyrannidi arbitrati sunt, exitium imminere, quemque ob eam causam interficere studuerunt, is moriens, domos illorum euerit: regna vastauit: imperium extinxit: hominesque eos, quos captos illi, & constrictos tenebāt, in lucem libertatis asseruit, ipsosque hostes Christus, non quidem illos repellendo, aut se contra inferendo, sed sustinendo, & telum quodammodo totum corpore recipiendo vicit, & contriuit, ipso, scilicet, illorum incurfu, atque impetu, probe ut naturam illius referret lapidis, quo descriptum est: Qui autem ceciderit super illum, conteretur. *Matt. 21.*
 Nam & hæc illi nequissimo serpenti tanquam facta iam inde ab initio Deus præcinebat, cum ei dixit. Tu insidiaberis calcaneo eius, ipse autem conteret ca-
Gene. 3.
 put tuū. Colubri enim in obuiū aliquem impetum interdum faciunt, & pedem ei mordent: nam altiora ore petere nequeunt. id cum accidit, sæpè etiam eue-

re solet, vt is cuius mordetur pes, calce comminuat colubro caput, quod illi nocendi causa pedi propè subiiciunt: ita fit, vt coluber, dum alterius lædit pedē, ipse in capite plagam accipiat, eamque accipiat ipso eodem pede, quem petebat percussus: & quod primū erat non petitus ad necem, sed petens ipse alium. Eadem igitur illi hosti, quicum natura optima esset cōditus, suaque ipse sponte prauus effectus esset, serpentis altum imitatus, eiusque in se suscipiens formam lætale in nos virus infudit, euentura prædixit Deus: siquidem vnquam ausus fuisset, vel potius quoniam futurum erat vt auderet, calcaneum Christi adoriri quod & euenit. Nam primum, dum omnia venena sua aduersus Christum expromit, in carne Christi, & in eius humana vita lædenda, quæ infima, & terræ veluti proxima pars illius est, constitit ipsius omnis impressio: ipse autem & regno, & malè parta dignitate spoliatus in capite, vt minimum, lætalem accepit plagam. Deinde non à Christo ille circumuentus aut in certamen euocatus est: sed circumueniēs ipse Christum, & impetum in illum faciens, sibi pestem conciuuit. Postremo victus est, neque magnis copijs, neque armorum aliquo genere inaudito, & nouo, sed ea ipsa re, in qua, vt sibi visus est, superior erat, eo pede, id autem est, carne ea cui vulnus intulerat, ea vita quam morte extinxerat: atque adeò ipso illo à se illato vulnere, atque morte male ipse, & perpetuè perijt. Nam è Christi sanctissimo corpore vulneribus confosso immensa vis pretiosissimi sanguinis profluens,

fluens, beatum quidem piorum hominum populū à peccatis, atque à delictis expiauit & emundauit omnibus: A Egyptios verò insequentes, hoc est, dæmonum bonis viris infesta agmina, vñdis illis sui sanguinis veluti obruta deleuit, & extinxit. Itaque quam antiquus ille serpens, Christo molitus est necem, ea exitialis ipsi fuit, & vt scriptum est, Incidit in foueam quam fecit. Et ad Christum oppugnandum aggressus in ipsa aggressione, vt hīc dicitur, infirmatus est, atque cecidit. Sed iam ad Dauidem reuertamur.

SI consistant aduersus me castra non timebit cor meum, si exurgat aduersum me praelium, in hoc ego sperabo.

QV AE est ex tota superiori oratione collecta sententia, qua sanctus Dauid, de eo quod suas res Deo curę esse videbat, fiducia concepta, asseuerat, tātum abesse ab eo, vt suorum hostium minis moueatur, vt ne si se vndique obsideant, atque circumstant in timore futurus sit. etenim sibi spem addi ea re, non metum iniici. Sed quod dicitur. In hoc ego sperabo. ambiguum videtur, vtrum in Deo, an in ipso eodē, cuius meminit, bello spem suę salutis constituat. sed hæc ambiguitas in oratione Latina est. nam in Græco, & Hebraico sermone, quod ex codicibus Græcē liquet, & Hebraicē conscriptis nulla plani sensus latebra, aut obscuritas latet. Nam in Hebraico sic. בּוֹצֵאתַיִּיכֶם Septuaginta porrò. ἡ ταῦτα ἡμῶν ἐλπίς in quibus satis apparet, Dauidem hīc bellum, atq; hostium castra demonstrare, & in eis ipsis hostium suorum armis spem incolumitatis suę posuisse dicere, quo magis

gis ex eo perspiciatur diuinæ potentia magnitudo. Nam profecto qui Deum pie colunt, id ab eo roboris in animo accipiunt, ut in desperatissimis suis rebus, non modo non frangantur metu, sed etiā, ut ea ipsa, quæ sibi aduersa esse & inimica videntur, pro ipsis stare, & pro instrumentis ad victoriam obtinendam sibi esse arbitrentur: neque temerè id, aut sine idoneo argumento. quod sit maximè proprium magnitudinis & sapientiæ summi Dei, consilia, & conatus malorum hominum in suam ipsorum perniciē conuertere: eosque capere atque irretire suis ipsorum artibus. quando illud est maximum victoriæ genus cum hostes nostri, ijs ipsis, quibus fidunt, & armis à nobis, & artibus superantur. Quod ut planius intelligatur altius ista nos, & tanquam à capite repetamus. Duæ sunt rationes, siue duo tempora potiùs: nec enim plura esse possunt, in quibus seruis suis Deus opem solitus est, & præsidium afferre. Nam aut præuertit mala, atque aduersa antequam adueniant, & eorum causas præcidit, aut posteaquam aduenerunt, & in seruos ipsius incumbētia eos oppresserunt, ad mirabili aliqua nec opinata ratione, dispellit ea, & ad nihilum redigit. Quarum rationum illa prior, suauior fortasse ipsa est, & optabilior, ijs præsertim, qui parum adhuc in virtute profecerunt: qui quē nondū satis virium collegerunt in animo suo, ad malorum acreis morsus fortiter perferēdos. Talibus enim optandum est, vitæ huius tanquam nauigationis cursum sereno cælo, mari quē tranquillo sine ventorum insultu,

insultu, & sine iactatione conficere. At verò alia ratio posterior, cum præstabilior iudicatur esse, tum à Deo sæpius vsurpatur: propterea quod & nobis maiorem vtilitatem afferat, & Dei gloriam magis illustret. Nobis enim resistentes ventos nonnunquam, & aduersa tempora pati, valdè quidem est vtile atque conducens, vel ad animi parandam virtutem, vel ad eandem, si quidem iam parta sit, alendam, & quando interdum sopita iacet excitandam: gloriosum autem Deo, quæ superari nullo modo humanis viribus atque consilijs mala possunt, ea cum se maximè corroborauerunt, maximèque exaggerata sunt, nullo negotio, & tanquam nutu dispellere: & charos ipsi populos, ab impijs hominibus prædæ loco habitos, è medijs ipsorum faucibus eripere, suisque ipsos euertere, & machinis, & consilijs. quo de genere illa sunt, quæ sanctus Moses mare rubrum transgressus, Deo scribitur cecinisse: vt, Dixit inimicus persequar, & comprehendam, diuidam, spolia, & implebitur anima mea. Euaginabo gladiū meū, interficiet eos manus mea. Flauit spiritus tuus, & operuit eos mare, submersi sunt, quasi plumbū in aquis vehemētibus. quis similis tui in fortibus Dñe, quis similis tui, & faciens mirabilia? & quæ sequūtur. Nā profectò aduenientia mala antè videre, & illorū impetū auertere, aut certè ipsos malorū fontes excindere, est illud quidē ad beneficij rationē per amplū, sed ad fidē faciendam de bonitate, & potentia Dei ambiguū, & obscurū. Id enim à Deo administrari, atque fieri, ita homines ipsos, de

Exod. 15.

C

quorum

quorū agitur salute, sep̄latet, vt quoniā mali pericu-
 lū non fecerunt, neq; salus, aut fortunæ eorū in discri-
 mē venerunt, quale, & quantū beneficiū acceperint,
 nonnunquam etiam vtrum omninō acceperint, ne-
 sciant. Quod si & ipsi malū imminere sibi aliquod ali-
 quando cognoscant, atque ad præcauendum id, at-
 que vitandum, aliquid ipsi operentur, & faciant, ita-
 que accidat, vt vitent quod impēdebat malum, atq;
 declinēt: tametsi ipsi sibi re ipsa auxilio non fuerint:
 tamen fuisse auxilio sibi putant, suasq; partes in tuen-
 da salute sua nonnullas fuisse gloriantur: neque pati
 possunt ex quo animo vllō modo, vt Deus, cuius vnus
 cura atque sapientia mali cursus, aut impeditus est,
 aut aliō cōuersus, solidā istam gratiam ab ipsis ineat.
 Ex quo fit, vt Deus, qui & suæ gloriæ studiosissimus
 est, & salutis nostræ cupidissimus hanc viam auxilij
 ferendi, minus sæpē frequentet: illud verò alterum
 iter sapiūs insistat, idq̄ue adeò interdum studiōse fa-
 ciat, vt obliuisci seruorum suorum nonnunquam, &
 lentè ac remissè agere videatur: impios furere homi-
 nes, & in bonos impotenter sæuire, ac bacchari per-
 mittēs, quo paulò post ex eisdem illis, qui se iam pro
 victoribus inferebant, deuictis atque mactatis, & ser-
 uis suis eis, quos periculo eripuit, maiorem causam
 lætandi, & reliquis mortalibus vniuersis laudandi se,
 atque celebrādi, vberius argumentum exhibeat. Si-
 cut scriptū est. Dicturus est Pharao super filijs Israēl,
 coarctati sunt in terra, mare illos conclusit, & indura-
 bo cor eius, & persequetur vos, & glorificabor in Pha-
 raone,

Exod. 14.

raone, & in omni exercitu eius. Quod ipsum re præstitit, nec ex innumerabili copia exemplorum, quæ nobis suppeditant sacræ literæ, ad id, de quo agimus, magis accommodatum, magisq; illustre exemplum vllum proferamus. Nam cum Iudæorum populus, qui Mose duce decedens ex AEgypto fœlicia Palæstinæ loca, & auitas sedes petebat, in varia pericula incidisset, Deo id non permittente solum, sed quodam modo agente, in ipso periculorū, ac discriminis summo articulo præsens illi auxilium, atque salus semper ab eodem ipso Deo mirabiliter est oblata: adeò vt totum illud iter, quamuis & spatijs locorum, & temporis diuturnitate longissimum, non magis castris, & stationibus Iudæorum, quam in ipso periculis, auxiliorum diuinitus collatorum notis, atque signis fuerit distinctum. Excesserunt ex AEgypto. Cedentes paululumq; progressos, & in iniquum locū adductos AEgypti Rex Pharaon, magnis copijs maxima celeritate collectis, ipsos insequutus est: hinc cum neque resistere inermes armatis possent, neque se in fugam dare, locorum iniquitate conclusi: quod ab utroque latere vasta solitudo atque montes, antè verò obstaret obiectum mare, à tergo autem hostis instaret: diuisit Deus subito aquas maris, viamq; per medios fluctus dedit populo suo. quam viam Iudæi ingressi incolumes in aduersum littus peruenerunt: AEgyptios verò, qui eadem via ausi sunt Iudæos insequi, diuisæ aquæ, vnà rursus coeuntes, miserè immerferunt. Vix mare traiecerant cum laborare cœpe-

runt fame, atque escarum inopia: cui inopiæ Deus, & statim & copiose subuenit. Nam cælesti rore concretum cibum suauissimum illis dedit, neque dare destitit, quamdiu in desertis illis locis versati ipsi sunt, id est, per annos quadraginta. Nec multo post cum aquæ penuria premeretur, scaturire è rupe fontem fecit. Idem rursus serpentem erexit æneum, cuius aspectu sanaretur, quicumque venenatorum serpentum morfu faucij essent. fauciabatur autem quotidie plurimi, magnoque cum dolore atque cruciatu vitam amittebant: quod ea loca venenatis serpentibus abundarent. Sed, quid singula persequor? quæ cū innumerabilia sunt, tum omnibus qui diuinas literas legent, sunt æquæ atque mihi nota. Illud tantum dico, cum ijs malis ille populus premeretur, ut miser omnino esse, & ærūnosus ijs, qui procul ipsum aspexissent, videri omnibus posset: factum tamen esse, ut Deo in ipso tempore auxilium illi semper, atque opem ferente, non solum mali expers esset, sed etiam felix & beatus euaderet. Quod Esaias vates eisdem de rebus agens, scripsit: Et in omni, inquit, tribulatione sua non est tribulatus. Atqui pronum fuerat Deo, paucorum dierum itinere, nulla circuitione, nullis ambagibus, nullo viæ errore, laborum, & periculorum expertes Iudæos in promissæ terræ possessionem inducere. Vtrum igitur illorum felicitati inuidisse putandus est Deus, an potius consuluisse & prospexisse eorumdem salutem? prospexit certe salutem illorum, suæque simul in eo gloriæ consuluit. nam dū potentia suæ &

erga

Esai. 63.

erga illos prouidentia, totedit ipsismet spectantibus, & tam illustria documenta, id assequutus profectò est, vt se deinceps illi, quod ipsorum salutis atque adeò pietatis totius caput erat, & ardentiori prosequerentur charitate, & maioribus quotidie laudibus celebrarent: qui vnus ex tota ista prouidendi, & benefaciendi ratione maximè gratus Deo, atque optatus fructus percipitur. Idigitur quia cognoscūt, & sperant iusti homines in malis, videlicet, & asperis suis rebus auxilium Dei sibi præsto affuturum, idcirco cum in mala incidunt, non modo æquitatem animi facilè retinent, sed etiam in medio ipso metuentarum & horribilium rerum tumultu maxima pace, & quiete fruuntur: & quo magis humana præsidia eos deficiunt: eo magis salutem suam esse Deo curæ, & celerius ab ipso auxilium sibi affuturum credunt. Itaque animo erecti, atque alacres, speque optima pleni, non modo se non dant ægritudini atque mœrori, aut humile quidquam faciūt suppliciter, & demissè: sed ne, si quid fortassis opis atque virium in ipsis est ad nocendum suis hostibus, eo aut vtuntur, aut vt iniuriam sibi ab ipsis illatam alia iniuriâ repellere, aut omninò parem vicem illis reddere velint, animum suum vnquam inducunt. quin potiùs illorum impugnationem suam propugnationem, inimica ipsorum cōsilia sua esse præsidia arbitrātur: vires, copias, opes illorum, pro suis ipsi summis opibus ducunt: scientes, quod Paulus scribit, quod, tribulatio patientiā operatur, patientia spem. spes autem non

Rom. 5.

confunditur. dicuntque & ipsi cum Dauide, Si constant aduersum me castra, non timebit cor meum. Si exurgat aduersum me prælium, in hoc ego sperabo. Sequitur.

VNA M petij à Domino, & hanc requiram, vt inhabitem in domo Domini cunctis diebus vitæ meæ, & videam voluptatem Domini, & visitem templum eius.

VOLUPTATEM non voluntatē in emendatis vulgatæ editionis codicibus legimus, cui lectioni Hebræa, atque Græca exemplaria suffragantur. Visitandi autem verbum hoc loco ex Hebrææ vocis, cuius loco ponitur significatione interpretatum, significat lustrare, & curiosè inquirere: itaque visitare templum, quod hîc dicitur, idem est, quod adyta illius omnia perlustrare. Nam hoc desiderat, aut certè desiderare se dicit sanctus David, atque ita desiderare ardentè, vt nisi id adipiscatur, cōquiescere non sit, nimirum versari semper in sanctissimo templo, & tanquam in oculis Dei, eiusque sacri, atque pulcherrimi habitaculi optatissimo aspectu semper frui, & quotidiano ipso, & domestico vsu nota sibi facere omnia illius, quamuis arcana, & interiora loca. Quæ quamuis de visibili, & in terris posito Dei tabernaculo, cuius summa erat apud Hebræos, religio, dicantur à Dauide. etenim modo in illo delituerat Saulis iram fugiens: itaque vigeat in ipsius animo eius loci, qui sibi salutaris quidem modo, dulcis autem, atque gratus semper antea fuisset maximum desiderium. Quamuis igitur hæc de tabernaculo

culo Mosaico dicantur:tamen propriè referēda sunt ad æthereum,atque inuisibile Dei templum,& ad cēlestem cum Deo viuendi rationem eam,qua cum ab hac vita discesserūt, pij homines ac sancti fruuntur,& inquam ipse Dauid incenso studio ferebatur. Nam eius rationis atque vitæ cælestis terrenum illud tabernaculum atque templum imaginem referebat. Sed quorsum hæc dicet aliquis? aut quicūcum superioribus coniungantur? optimè illa quidem inter se, aliusque ex alio versiculus tam nexus est,quam animi affectus qui hisce versiculis explicantur, alij nascuntur ex alijs. Itaque naturā ipsa imitatur oratio. Etenim spes contraria timori est. nam timor ex opinione imminentis mali oritur: spes ex opinato futuro bono. vnde mali timor pelli nequit, nisi boni futuri spe. quo fit, vt depulsi timoris commemoratio ipsa, statim cogitationem nobis subijciat eius boni, cuius consequendi spe firmatus, & corroboratus animus timere desijt. Quæ quemadmodum in cogitationem,& in mentem veniunt,sic etiam in oratione ponuntur,quod certè Dauid hoc loco fecit. Nam posuerat superius,atq; affirmauerat, ne si vndiq; hostes ipsum obsiderent sui, se in timore futurū vllō modo. Sed quæ res iſtis tibi animos facit sancte Dauid ipsū si roges? quæve id fiducia iactas? Quia, inquit, nihil mihi ab inimicis posse noceri video. Etenim in ijs rebus spes oēs meas,atq; fortunas constitui, quas mihi aduersarij mei nunquā eripient. Nā votorū meorū,atq; bonorū omniū hæc summa est. Deo semper assistere,

ab

ab eo nunquā diuelli, in splēdidissimo cēli loco, quæ
 propria eius est sedes, perpetuò versari: illis cælestiū
 spirituum sanctissimis cētibus iugiter interesse: uiue-
 re in luce semper, in gaudio, in veræ gloriæ sempiterno splendore. Mihi omnis ratio, cum virtute est,
 cum pietate, cum Dei cultu: cætera in quibus casus,
 & fortuna dominantur, nec ipse valdè appeto, neq;
 ad me planè pertinere puto. in ijs ludat fortunavt vo-
 let, irruant hostes, atque grassentur: suo arbitratu præ-
 das agant, faciliè patiar me ijs spoliari rebus, quas ne-
 que pro meis, neque pro bonis vnquam duxi. Meum
 bonum, vnus Deus est, eiusque diuini boni sempiter-
 na possessio: cuius, vel spem viuo, vel fructum mor-
 tuo nemo mihi hostis eripiet. Et sanè duæ res sunt,
 quæ bonos viros in malis atque in laboribus consti-
 tutos, maximè consolantur. Vna est illa eorum spes,
 quam in Deo opitulatore, atque adiutore suo firmi-
 ter collocatam habent: de qua spe superiore versicu-
 lo satis est dictum. Altera quod, quæ illi pro suis bo-
 nis ducunt, eam naturam habent, vt in hostium po-
 testatem venire, aut possessoribus inuitis eripi, nullo
 modo possint. Nam hostilis vis cū eousq; progressa
 est, vitam vt eripiat bonis, atque innocentibus viris,
 vltèrius quo progrediatur non habet. id verò si ho-
 stes effecerint, si quæ inuisum sibi bonorum sangui-
 nem hauserint, non modo nihil mali illis attulerint,
 sed etiam plurimum boni contulerint. Mors enim in
 hominibus iustis per sophisma quodammodo dicitur.
Etenim viuunt tunc maximè cum primùm ex-
cesserunt

cesserunt ab his terrenis, & mortalibus locis. Scimus,
 inquit Paulus, quoniam si terrestris domus nostra ^{2. ad Cor.}
 huius habitationis dissoluatur, quod ædificationem ^{c. 5.}
 ex Deo habemus domum non manu factā, sed æter-
 nam in cælis. Id igitur, quia boni sciunt, aut si minus
 quam Paulus sciunt, certè si per ipsos non steterit, cer-
 tò futurum credunt, atque cognoscunt: erecti, atque
 alacres fortunæ tela non modo despiciunt, sed non-
 nunquam etiam cupidè excipiunt, tanquam suæ se-
 getem gloriæ. Quod si qui sumus, qui aduersarum re-
 rum, vel metu terreamur adhuc, vel præsentia af-
 flictemur, id nõ tam in ipsa re, quam in errore nostro
 esse, & idcirco nobis accidere existimare debemus:
 quia vel ignoramus adhuc veri rationē boni, vel in
 eo quod compertum habemus, fallacis huius vitæ il-
 lecebris deliniti, nondum satis altè, atque firmiter
 defiximus omne nostrum studium. Quare quicum-
 que huiusmodi sumus, reuocare debemus animum
 ad meliorem rationē: & ut ipse se, ac sua bona cognò-
 scat efficere. Quæ ille, cum in vna virtute, & ardēt er-
 ga Deum charitate ac pietate, ac cælestis vitæ fructu
 ponenda intellexerit: cumque ad ea consequēda bo-
 na, Deo in primis opem ipsi, & auxilium ferente, sa-
 tis facultatum, atque virium in se inesse perspexerit:
 cumque eas vires atque facultates sibi inuito adimi
 non posse, cognouerit: profectò, & bona sua ista, in
 sua vnus potestate posita ab omni maleuolorum, &
 inuidorum hominum incurfione, & iniuria esse libe-
 ra iudicabit: & omnes acerbos vitæ casus contem-

D net:

net: & tanquam de excelso, & munito loco, inanes hostium suorum clamores vicisse se iam, & debellasse arbitrantium negliget, atque ridebit: hoc quæ Dauidis ad omnia fortunæ damna, atque tela tanquam scutum opponet. Vnam petij à Domino, & hanc requiram, vt inhabitem in domo Domini cunctis diebus vitæ meę. Nam per Deum immortalem, hostis amare quid insolefcis? quid potuiffe te, atque effeciffe tantopere iactas? in quo putas nocuiffe, aut nociturum esse te mihi? Omni, inquis, te dignitate spoliabo. at innocenter, atque integra fide, actæ vitæ conscientiam nunquam eripies. Efficiam, vt de te cuncti homines male & loquantur, & iudicent. at Deus cuius vnus sunt incorrupta iudicia, iudicabit benè. quamquam qui, quæso, sunt isti homines, aut quot, aut quandiu iudicabunt? Quin vitam eripiam tibi. Benè profectò narras, ab inuidorum, scilicet, & maleuolorum, & tui similibus hominum gregē, ad beatos bonorum virorum cætus me transferes. Sed sententiæ huius versiculi tanquam genus vidimus: nunc singula eius verba breuiter percurramus. *Vnam petij.* Libido atque cupiditas plura appetit, neque satiatur vnquam. at rectè instituta ratio vnum bonum, quod & ipsum summum sit bonum, desiderat. Nam neque bina aut plura esse possunt summa bona. *Petij à Domino.* Rectè à Domino, quoniā vanæ sunt cogitationes hominum in se satis virium, atque præsidij esse arbitrantium, ad foelicem, & beatam vitam: aut eam collocantium in aliquo terreno, atque interituro bono.

Aliunde

Aliunde enim, id est, à Deo ea nobis petenda, & accersenda est: nec solum à Deo postulanda, sed collocanda etiam in solo ipso. *Et hanc requiram.* Omnes quidem veram sibi foelicitatem optant: plurimi etiam petunt, pauci requirunt: quando requirere est cura atque diligentia adhibita, iterum atque sæpius quærere. Atqui nisi qui requirunt, id est, qui perseverantes in studio virtutis instant, & tanquam pulsant ad ostium diuinæ pietatis, atque clementiæ, eam nulli consequentur. Verè enim dictum est: Qui *Matt. 24* perseverauerit vsq; in finem, hic saluus erit. Sed quid David requirat, audiamus. *Vt inhabitem in domo Domini omnibus diebus vitæ meæ.* Plurimi sunt, quos cum virtute versari, & apud pietatem tanquam hospitari eo vsque delectat, quoad, scilicet, eorum intestinæ cupiditates nimia ipsa copia obtusæ, atque consopitæ silent in ipsis, atque quietem agunt: qui iidem cupiditatibus postea reuiuiscuntibus, & ex interuallo redeuntibus, ad primum earum aspectum, atque vocem virtutis hospitium renunciant, & ad nota sibi lustra demigrant. Contra autem sanctus David, nō ad breue aliquod tempus desiderat versari cum Deo: sed per totam vitam perpetuò cum illo esse: neque hospitari apud illum, sed in eisdem ædibus communiter habitare. Intelligens nimirum, crebros illos & alternos ad virtutem accessus atque recessus, illasq; itiones & rediciones animi esse non solum levis, sed etiam eiusmodi, quo de sperare non possis ipsum aliquando, non ditò præclarum aliquid, sed ne medio-

cre quidem, vel effecturum, vel assequuturum. *Ut inhabitem in domo Domini.* Aptè hoc eloquitur atque verè. Sola enim beata vita iurè domus dicatur: domus inquam, in qua stabilis ad quiescendum sit, & ad suauiter inhabitandum sedes. Nam cæteræ res, quas plerique infano interdum studio insequuntur, opes dico, & voluptates, potestatesque & imperia, habent illæ quidem speciem quandam boni, sed leuem speciem atque fallacem: itaque alliciunt ad se se amœnitæ quadam eos, qui vitæ huius iter insistant, & de via fessos ipsos, & æstuantem collocare tanquam in umbrâ possunt: diu autem illos in quiete continere, aut requiescendi & commorandi diutiùs apud se se facultatem illis dare non possunt. idque ita esse, vel illi ipsi maximè testificantur, qui stultitia atque errore cæci, ipsumque ignorantes domicilium boni ad illa specie ampla, re autem ipsa, omni supellectile vacua diuersoria se contulerunt. Notæ enim sunt illæ istorum hominum voces: *Quid profuit nobis superbia, & diuitiarum iactantia quid contulit nobis?* transferunt omnia illa tanquam umbrâ, tanquam nuntius percurrens: cæteraquæ in hanc sententiâ pluri malamentantur, quod vnum in omni ipsorum vitâ verè profectò sunt loquuti. Veteris enim domicilij atque fallacis subita ruina semel oppressi, tunc planè senserunt in exitium sibi id esse conuersum, quod ad requiem putauerunt fore: speque sua ipsos miserè fuisse frustratos. Quamquam illi ne in ipso quidem tempore, cum requiescere sibi videbantur, vllum

verè

Sup. 5.

veræ tranquillitatis, atque quietis fructum, mea quidem sententia percipiebant. Nam quis ignorat quantæ auarissæ constant diuitiæ? quibus sit obnoxia molestiis, atque adeò miserijs honorum ambitio? quam nulla sincera, atque homine digna voluptas sit, in vita voluptaria? imò quot occultentur, & quam sæui sub horum splendore nominum tortores animorū? Quoniam sic certè natura comparatum est, vt quādiu rebus vtimur, quatenus à natura ipsa nobis concessum est illis vti, id est, quādiu adhibemus eas ad naturales earum vsus, intraque eum modum, qui est à natura præscriptus: tandiū vt nobis illæ sint iucundæ atque dulces: quod si violatis temerè, atq; transgressis finibus ijs, quos natura rebus pepigit, officiisque rerum, & muneribus, & ordine naturali peruerso, efficiamus, vt altera inuadat in alterius possessiones: & suum ipsa officium negligens, alienum vt munus obeat postulamus: vtritè id & nauiter obeat, nunquam profectò assequemur: insuper ipsum illud amitemus naturale bonum, quod ipsi inerat: illasq; ad vsus nostros ei à natura datas opportunitates & commoditates: nec minus faciemus absurde quam, qui calceis, quos pedibus detraxisset, caput induere conaretur, faceret: si tamen tam absurdus quisquam esse, vllò vnquā modo atque ratione potest. Etenim is, etsi plurimum operæ in eo posuisset, seque confecisset multo labore: perfecisset ille quidem pedes, vt nudi manerēt, caput tamē ipsum nihilo magisterxisset, ipsumque amisisset artis vsu: similiter isti fa-

ciunt, quicumque animum suum boni infinitè cupidum explere volunt, aut opibus, aut honoribus, aut voluptatibus persequendis: quique vitæ tranquillæ atque beatæ sedem vllam stabilem constitui, in ijs rebus posse putant, aut certè sibi cōstituunt. Torquent se certè illi, atque diuexant: nullum tamen solidum consequuntur bonum, nedum illud summum quod expetunt. Itaque, quod vitæ huius quotidiana exempla nos docent, nulli egentiores sunt, quam qui maximè diuitijs affluere putantur auari: nulli ad seruilem conditionem propiores, nulli qui cuncta digna, indignaque magis perpetiantur, quam honoris atque gloriæ studioli: nemo qui maioribus doloribus nō solū animi, sed etiam corporis torqueatur, quam qui velis, vt dicitur, atque remis voluptates persequitur. Quod ob eam causam illis iure atq; meritò accidit, quia naturæ ordine violato, quibus rebus modicè vti, ac pro viatico debuissent in isto vitæ tanquam itinere, ab ijs dementia quadam obcæcati, summum ipsum bonum requirunt: & quo vti interdum possent, pro non incommòdo diuersorio ad animum refocillandum. (quamquam qui firmitate ac vegetiore animo sunt, ne ista quidem diuerticula, istasve refocillationes magnopere curant) sed quo vti possent ad diuertendum, eo frui volunt pro stabili & sempiterno domicilio, sedemque sibi in eo beatæ vitæ constituunt. Quæ profectò beatà vita, quamuis nullas alias sedes haberet, nunquam tamen se pateretur collocari in huiusmodi nugacitate inanitateque

que rerum. Nam quod vnum tectum commune illi, quæ verorum bonorum perpetua dicitur esse possessio, esse possit, cum ambitione, cum avaritia, cum voluptate, caducis, videlicet, atque fallacibus bonis: illa certè cum virtute commoratur: in Dei pietate, atque cultu tanquam in sanctissimo fano quiescit: in cælesti domo, & in Deo ipso videndo, fruendoque suam habet & propriam sedem. quam ad vnā sedem nos omninò debemus tendere omni nostra ope atque studio, si modo quales semper esse cupimus, beati atque fœlices, tales vnquam futuri sumus. Ibi enim veræ illæ opes sunt repositæ, quas neque tinea demolitur, neque fures effodiunt, aut furantur: immortales ibi honores sunt, & incorrupta, ac nullo vnquam æuo marcescens dulcissima, honestissimaque voluptas. Vnde sequitur. *Vt videam voluptatem Domini.* quæ vna, scilicet, & vera voluptas est, & omnium maxima voluptas. quippè quæ ex summi, & optatissimi, & omnem animi nostri cupiditatem, explentis, atque satiantis boni consequutione, in altissima pace, & lætissimo gaudio sequatur. *Et visitem templum eius.* Nā his duabus rebus continetur absoluta & cumulata beatitudo: Dei contemplatione, scilicet, qua ex contemplatione oriuntur innumeræ voluptates, & cognitione templi Dei, id autem est, vniuersi huius, quod vnum est templum augustissimum, atque maximum. Nam hæc naturæ rerum cognitio, veluti cumulus additur, visioni illi, contemplationique Dei, in qua propriè ipsa beatitudo consistit.

Igitur

.Igitur has naturæ partes, atque rationes beati viri, in cælesti illa & futura vita cognoscenti, eaque ex cognitione capient summam voluptatem. Nam quod aliud puris & bene affectis animis exhibeatur gratius spectaculum, quam est hoc, quod illis à Deo exhibetur, cum de altissimo & maximè splendido loco cæli, in omnis mali experti vita ipsi constituti, non solum, vident illa.

*Defectus Solis varios, Lunaq; labores
Vnde tremor terris, qua vi maria alta tument
Obicibus ruptis, rursusque in se ipsa residunt,
Quid tantum Oceano properent se tingere soles
Hyberni, vel quæ tardis mora noctibus obstet.*

Sed multò illis maiora, ac reconditiora cognoscunt: causas nimirum omnium rerum, & cuiusque rei principia interiora atque propria, ipsarumque inter se naturarum, atque rerum consensiones, & dissensiones arcanas, quarum est, ut maximè occulta, ita ad cognoscendum maximè iucunda causa atque ratio: aliaque his similia permulta. Sed nos, institutum persequamur.

QVONIAM abscondit me in tabernaculo suo, in die malorum protexit me in abscondito tabernaculi sui, in petra exaltauit me.

RED D I T nunc causam superioris sui dicti, atque sententiæ, id est, causam exponit, quare tanto perè desideret residere in tabernaculo & tēplo Dei, quod, videlicet, expertus fuisset, ipsum sibi fugienti, atque perterritō salutare hospitium præbuisse: quod
delituit

delituit in eo, quod eius, veluti, gremio receptus se-
 primum cōfirmavit, ex magno & graui timore. Quæ
 dicens Dauid, intelligi à nobis voluit, non tam loqui
 se de terreno tabernaculo. (quamquam & id sem-
 per ipsi, & cum aberat ab eo optabile, & cum aderat
 gratum & amabile visum, est,) quam de æthereo atq;
 cælesti. Cuius adeundi facultatem omnibus sanctis
 hominibus præuidebat aliquando tandem futuram,
 per illum ipsum, quem in nōgentesimum propè an-
 num, ex se ipse propagaturus erat, sibi similem filium
 Christum Iesum. Itaque Dauid ad ea potissimū tem-
 pora suas cogitationes, suaque desideria conferebat.
 Nam ex eo quod expertus fuerat sibi malorum vn-
 dis iactato, illud Dei terrenum tabernaculum fuisse
 portum salutis, facile cōiecturam faciebat, quanto
 in cælesti illo, & æthereo templo omnia futura essent
 tutiora, meliora, suauiora. Ergo à terrenis gradum
 ad cælestia sibi construxit, & occasione eius benefi-
 cij quod acceperat in tabernaculo eo, quod fecit Mo-
 ses, ad aliud tabernaculum, non huius creationis,
 sed quod ædificationem habet ex Deo desiderio. ve-
 rorum bonorum aspirauit, mortaliq; ex vita con-
 seruata immortalis, & beatæ vitæ amore inflamma-
 tus est. Quod autem sequitur. *In petra exaltauit me.* Id
 fortasse aliquis in eam sententiam accipiat, vt se ex-
 altatum in petra Dauid fuisse dicat, id est, in loco edi-
 to atque munito, extra omne periculum positum:
 propterea quod posteaquam ab vrbe Ceila discessit,
 ad deserta Ziphæi montis loca & præruptas, atq; ho-

stibus inaccessas rupes se cōtulit. Sed mihi magis placet hoc hemistichio, petræque appellatione in arcanis literis nota significari Christū: cui sanctus Dauid acceptam referat salutem omnem, & liberationem suam. Illud nimirum diuinitus edoctus intelligens; vnum esse Christum, per quem omnia nobis à Deo patre, & obtinenda, & petenda bona essent: cuius exemplo, instructi nos non solum in rebus lætis agnoscere debemus Christi beneficio atque dono, letè nos atque foeliciter agere: sed in asperis & turbidis ad eius vnus præsidium debemus cōfugere: quod præsidium paratum cunctis est, qui ad ipsum confugiunt. Non enim ille nos confugientes ad ipsum vnquam deferret, aut hostibus prodet: sed tuebitur potius, atque defendet: quomodo solet ille semper eos, qui ipsi supplicānt, tueri atque defendere. Cuius quidem defensionis, etsi plures sint rationes atque modi, tamen ex ijs omnibus rationibus, illa haud dubiè est præstantissima ratio, qua se Dauid hoc loco defensum esse prædicat, cum dicit. *Abscondit me in tabernaculo suo, in die malorum protegit me:* Nam huius occultationis ea vis est, non vt Deus à nobis auferat mala, quibus opprimimur: sed vt sensum malorum in medijs malis dum versamur, nobis eripiat, nosque dolori subtrahat: non tam corporis fuga, quam animi traductione ad meliora bona, & ad ea omnino gaudia, quorū incredibile vim immittere solet Deus, & offerre seruis suis ijs, qui iniuria opprimuntur. Et quoniam diuinorum auxiliorum duo genera, seu duæ diuersæ potius

potius auxilij ferendí rationes sunt à nobis superius
 expositæ: vna cum malorum aduentus præciditur,
 altera cum repellitur eorum impetus: sit hæc ab vtra-
 que diuersa ratio tertia, in qua ipsa quidem mala, ta-
 met si nos premant, non repelluntur: sed eorum mu-
 tatur efficientia, atque vis. Etenim etsi Deus sem-
 per auxilietur suis, tamē non semper eorū hostibus,
 aut arma detrahit, aut vires, aut facultates nocendi:
 quin illud sæpè permittit, mali vt in bonos senien-
 tes, & fortunis illos euertant, & tormentis subijciant,
 & denique vita priuent. Qui igitur, dicet aliquis, au-
 xilio locus est, aut quæ opitulandi ratio Deo relinqui-
 tur, eousque progressum, vbi est? Magnus sanè locus,
 & optima atque Deo maximè digna opitulandi ra-
 tio. Nam ad hunc modum laborantes suos seruos
 Deus suo veluti in gremio amantissimè recipit, re-
 ceptosque abscondit, id est, eos dolori subtrahit, eri-
 piens ipsis malorum sensum, hoc est, vt iterum in-
 terpreter, efficit, vt mali morsus non sentiant. Effi-
 cit autem partim verissimis rationibus illos erudien-
 do: plurimum autem, & longè plurimum id efficit,
 eorum imbuendo sensus cælesti tanta dulcedine,
 vt malorum deinceps tormenta, atque ictus, non ad
 cruciatum illis valeant, sed ad lætitiā & voluptatē.
 Ita fit, vt quæ acerbæ alijs sunt, bonis cum in ea inci-
 dunt sint læta & voluptatis plena. quod illi assequun-
 tur, non sensus stupore aliquo, sed diuinæ dulcedinis
 abundantia: qua eorum pleni sensus vbi sunt, nullus
 dolori quo se insinuet, aut vbi resideat vacuus locus

relinquitur: atq; vt aquæ stilla in ignem immiffa, nō
 extinguit ipfum, fed magis accēdit: fic ad bonorum
 fenfus malorum morfu accedens, atque in eos inli-
 nuare fe cupiens dolor, illa lætiffimorum gaudiorum
 quibus affluunt magnitudine, non abforbetur mo-
 do, fed quæ Dei virtus eft, ex dolore voluptas effici-
 tur. Ex quo intelligitur, quam fint boni aduerfus ma-
 la omnia mirificè à Deo armati atq; protecti: quando
 dolor ipfe fimul atque accedere, ac peruellere eos in-
 cipit dolor effe definit. Quo certè fieri nihil poteft
 quod, vel ad leniendos bonorum animos, vel ad irri-
 dendos impiorum conatus fit accommodatius: rue-
 re videlicèt, illos, furere, fquire, ignes admouere, no-
 ua excogitare fupplicia, alia alijs mala addere, nullū
 deniq; modū imponere fuæ importunitati: eo porrò
 fuo, omni labore atque conatu, non mōdo dolorem
 vllum non attuliffe bonis, fed pro eo fegetem illis at-
 que materiam fuppeditaffe eximix cuiusdam, atq;
 maximæ voluptatis: nec dolendi folū nullam, fed
 gaudendi etiam plurimas, atque maximas attuliffe il-
 lis caufas. Atque huius generis auxilij, & à malo libe-
 rationis cum interiorum bonorum fenfu, externorū
 malorum fenfus hebetatur, & extinguitur in ijs, quos
 Deus veluti occultat in atrijs dulciffimis domus fuę,
 tanquam imago quædam fuit, quod illis tribus viris
 genere Hebræis in facris literis fcribitur accidiffe: cū
 iuffu Regis impij quod immanem ftatuā, quam ere-
 xerat, atque dedicarat, adorare nolent, vincti in rogū
 ardentē immiffi funt. Illis enim ignis vincula, qui-
 bus

Dan. 3.

bus constricti tenebantur, ademit; ipsos verò neque
 vsit, neque detrimento, aut dolore affecit villo: ita
 quod ad illorum perniciem comparabatur, valuit ad
 salutem illis, & ad vinculorum dissolutionem. Sed
 quamuis huius rationis exempla aliquot extent in
 ijs hominibus, quos instituit lex vetus: tamen hæc to-
 ta laus in medijs malis gaudendi, & ex dolore volu-
 ptatem capiendi, propria est Euangelij: in quo pre-
 ciosissimi Christi sanguinis pro mundo effusi, maxi-
 ma viget, virtus atque vis diuina. Itaque in ipsis
 Euangelij primordijs de Apostolis dicitur, exiisse il-
 los gaudetes à concilio. quod digni habiti essent, pro
 nomine Iesu contumeliam pati: & illa oratio, ad Euā-
 gelij tempora pertinet. Omne gaudium existimate
 fratres, cum in varias tentationes incideritis: & no-
 strorum, id est, cultorum Euangelicæ legis vox illa
 est: Non solum autem, sed & gaudemus in tribula-
 tionibus. Nam certè ante Christi ad nos aduentum
 graue hominibus videbatur inopes esse, durū igno-
 minia affici, non ferendum dolore cruciari: itaque
 exiliū nobis triste erat, morbus molestus, mors acer-
 ba atque dira. At posteaquam filius Dei naturam hu-
 manam secum coniungens, miram illam cum homi-
 nibus societatem coiuit, vt particeps ipse nostrarum
 miseriarum effectus, nobis communicaret bona di-
 uinitatis suæ, quæ pro aduersis habebantur in vitā,
 quæque homines horrere soliti erant mala, sic ea cō-
 diuit, & omni tanquam felle ab eis detracto dulcia fe-
 cit, vt præter mali nomē in ijs certè, qui Christi sunt,

Act. 5.

Rom. 5.

quique capiti suo; & fide, & rectè factis adherent, nihil iam de sua pristina acerbitate retineant. Neque enim fieri poterat, quin accedente natura Dei ad nostram naturam, omnia eius mala illo diuinitatis, veluti Oceano obruta, & immersa mala esse desinerent. Itaque quæ mala nostra culpam in se, atque scelus habent, ea Christus, utpotè qui ab omni peccati labe purissimus esset, non quidem admisit, sed quæ nos admisimus, in se ipso luenda, & delenda suscepit: crucique affigens ea, sanctissimo suo cruore, quod
ad Heb. ad se attinet, penitus eluit. Quæ autem doloris atque pænæ mala sunt, eorum omnium sensum atque gultum percepit, perferreque illa, atque subire voluit: quo illius gustu detraxit illis, quidquid veneni in ipsis inerat; nobisque ad ea non solum fortiter ferenda, verum etiam cupidè appetenda præiuit: sicut
Abac. i. Paulus scripsit de ipso, dicens: Qui pro omnibus nobis gustauit mortem. Ex quo etiam illa est mortis amara irrisio, quæ propriè ad nouæ legis tempus spectat. Absorpta est mors in victoria tua, ubi est mors victoria tua? ubi est mors stimulus tuus? Quod certè in modum non magis magnificè, quam verè dici, re ipsa atque factò, magnoque fortitudinis & memorabili exemplo, cum virorum, tum sceminarum post auditum in terris Christi nomen, ad mortem certatim conuolantium, infinita millia comprobarunt. Nunquam enim, neque tanta alacritate animorum, neque tam pronis, & incensis studijs ad voluntariam mortem, & acerbissimos cruciatūs, tot martyres
 prope-

propèrarent, si mors illis pro morte esset: aut potiùs
 nisi ipsum mori, ipsumque truciari dulcedine redun-
 dare, atque aded melle illitum esse, illis videretur. Et cer-
 tè ipsi sæpè affirmarunt, carnificinam ipsam, cælestis
 voluptatis officinam sibi videri: & per ardentes pru-
 nas nudis pedibus cum incedebant, per amœna præ-
 ta, & sparsam humum rosas, se incedere arbitrari di-
 xerunt. Atque ut ex infinita copia id potissimum pro-
 feram exemplum, Theodoretus quod scribit histo-
 riæ Ecclesiasticæ grauis author, hoc quale sit, ex eo sa-
 tis intelligetur, quod Antiochiæ Christianus quidam
 iuuenis dixit. Nam is, cum Iuliani Imperatoris iussu,
 quod idola irrisisset, medio foro, magnoque in homi-
 num conuentu virgis diutissimè & sæuissimè caderetur:
 cumque eius interea non solum ciulatus ullus non
 audiretur, sed ne gemitus quidem, cunctis, qui ad-
 erant admirantibus rogatus a quodam, qui perferret
 dolores tantos, tam æquo, atque aded læto animo,
 respondisse fertur, nullo se ex plagis dolore affici-
 cumque instaret illo rursus, & eius ipsius stuporis cau-
 sam quæreretur, assistere sibi dixit, atque affirmauit, ex
 quo primum cedi captus esset, diuina specie quen-
 dam iuuenem fouentem ipsum, atque omnem ab-
 stergentem dolorem. Atque idem, postea cum solui
 iussus esset, & abire permissus, illo iuvene, qui ipsum
 comitabatur recedente, ab illo statim, & abeunte,
 grauissimè doluisse scribitur: quod dicebat nullius
 mori, non solum cædi virgis maluisse se, quam illo
 tam dulci, tamque bono comite caruisse. O Christi
 sanguinis

Theod. ec-
 cle. histo.
 lib. 3. c. 11.

208

sanguinis vim incredibilem: ô pietatem, & dulcedinem Dei, ô fructus virtutis vberes, dulcesque iam & iucundos, non solum fructuosos dolores. Sequitur.

Et nunc exaltabit caput meum super inimicos meos.

Q. V. O D olim, inquit, Deus fecit, vt me ab hostium meorum insidijs atque manibus liberaret: idè nunc tametsi eorum copix atque vires augeantur, efficiet: multoque quam antea efficiet vberius. Nã à primò vt Deus mihi bene, & vellet, & faceret sola adducebatur bonitate suæ: at nunc quo vel constantix rationem habeat, suum in me beneficium tuebitur: nuper insidias, & cruentitas inimicorum meorum manus à me repulit: nunc, vt spero, illos subijciet meis pedibus: id enim valet quod dicit. *Et exaltabit caput meum super inimicos meos.* Nam eo Hebræi iustam victoriam significare solent, ex ipso, scilicet, habitu victoris erecti atque stantis, victis ad illius pedes interrim suppliciter abiectis. Itaque hoc in re militari dictum victoriam significat, in rebus luctuosis & trilitibus lætitiā, vt in illo. subleuauit Euilmerodab caput ioachim: in omni denique re excellētiam in eo, quo de agitur. Ex quo ille,

4. Reg. 25

Verum hæc tantum alias inter caput extulit vrbes

Quantum lenta solent inter viburna cupressi.

Quod si cui placeat Dauidem hoc versiculo fuisse varicinatum victoriam eam, quam Christus adeptus est de peccato atque morte sæuis & maximè nobis infestis hostibus: sicque dicat aliquis, Christum ipsum à Dauid caput vocari, eumque exaltandum esse dici

dici super inimicos suos. Hoc si quis velit, id mihi nō solum non displiceat, sed etiam probetur vehementer: atque eo magis, quod video sacros vates solere institutę à se primo de suis, aut aliorū rebus gestis orationi attexere, atq; miscere futurarū atque magnarum rerum sua vaticinia. Etenim ipsa narratione & commemoratione rerum, à se, vel ab alijs gestarum, propter occultam similitudinem aliquam, quam illę res gestę cum futuris rebus à Deo fiendis magnis atque sublimibus habēt, commota sæpè vatum mens, hauriensq; diuinum maius & perfectius lumen, in medio orationis cursu eas illas videre incipit, quod à principio non faciebat. quod cum vatibus accidit, vt ex pręsentibus, aut pręteritis futura prospiciant, ea vt prospiciunt, statim effundunt, & ijs, quę instituerant dicere attexunt, vnumq; componunt & efficiunt orationis textum ex vtroque rerum genere. Rationi porrò consentaneum est, id ipsum accidisse nunc Dauidi, de se, ac de suis inimicis canenti. Nam quoniam in sua persona, Christi personę imaginem inesse sciebat, verosimile est ipsum, cum ei sua certamina & victorias canenti, Christi item certantis atque vincentis species oblata atque obiecta esset, tanto affectum gaudio atque voluptate fuisse, se vt continere non potuerit, quin eius aliquam mentionem statim faceret: suoq; id carmini infereret, ipsumq; carmen pulcherrimum, & per se satis commendabile, lætissimę rei atque maximę commemoratione ista inserta, commendabilius efficeret. Quod si quis

F moueatur

moueat eo, quod Dauid dicit, Super inimicos meos.
 quo planè suos Dauid significat inimicos, non Chri-
 sti, & propterea putat hic agi de vna Dauidis exalta-
 tione & victoria, is mea sententia decipitur. Nā quos
 Christus vicit inimicos, non tam sibi, quam Dauidi
 ipsi, atque adeò nobis omnibus vicit. Nec verò illi
 magis Christo aduersabantur, quam generi humano
 vniuerso: imò, verum si loquimur, nobis solis maxi-
 mè propriè erant inimici. Nos enim soli seruieba-
 mus peccatis, & propterea damnati à Deo fuimus,
 mortique addicti: dæmonesque ob id, nostris cerui-
 cibus imminentes, nos sibi subijci deberi dicebant,
 & certè tenebant subiectos: quæ Christum non atti-
 nere satis apertè idem ipse Christus declarat illis ver-
 bis. *Ioan. 14.* Venit princeps huius mundi, & in me non ha-
 bet quicquam. Non ergo dæmones nocere Christo
 in aliquo, aut incommodare poterant, sed cum no-
 stri generis inimici essent, nosque vniuersos teneret
 miserè oppressos, illis suis armis peccato atque mor-
 te, Christus bellum illis ultro indixit, seque à nobis
 opposuit aduersus illos: suumque ipse corpus eorum
 telis obiecit. Ac peccati quidem vnum illorum telū
 ad se non admisit, tantum quæ nostro corpori infixā
 eiusmodi plurima erant tela, pro suis habuit. At mor-
 tis alterum totū intra præcordia recepit. Quod sanè
 telum non tam eripuit vitam Christo, quippè cui tri-
 duo postquam mortuus est, reddita est, magnis bo-
 nis atque accessionibus cumulata: quam peccatis no-
 stris, quæ Christus in se suscipiens ipse peccati, ve-
 lut

luti personam sustinebat, abolitionem attulit, & interitum: quibus sanè extinctis, quæ ipsa tãquam fundamenta erant dominationis dæmonum, illorum in nos imperium statim corrui. Quamobrem verissimè exaltasse Deus dicitur caput nostrum, id est, Christum super inimicos nostros. Nobis enim propriè aduersabantur ij, quos Christus deuicit, eoquæ deuicit illos: vt quod cecinit Zacharias, De manu eorum liberati, seruiamus ipsi omnibus diebus nostris. Vnde sequitur.

Luc. 2.

CIRCUMVI, & immolabo in tabernaculo eius hostiam vociferationis, cantabo, & Psalmum dicam Domino.

Q V O D vt rous modo intelligatur superior versiculus, rectè & ordine sequitur: vt, vel pro victoria ea, quam ipse de suis hostibus consequi sperabat, vel ob eam, quam Christus de communi omnibus inimico consequuturus erat, victimas Deo, & laudum carmina se redditurum promittat.

EXAUDI Domine vocem meam, qua clamaui, miserere mei, & exaudi me.

V A R I A T Daudis animus inter spem, & metum. Nam sicut diuinæ bonitatis, & experti amoris consideratio illum spe erigebat, ita Saulis Regis sibi infestissimi potentia atque opes, quæ omnia quamuis tuta loca suspecta efficiebant, ipsum debilitabant metu. Mensigitur Daudis dubio rerum suarum statu suspensa varijs cogitationibus distrahebatur: quæ aliàs lætæ, tristes aliàs alternantes, & in ipsum incumbētes, sæuos in illo excitabant fluctus variorum af-

fectuum. Ex varietate porrò eorum varia item oriebatur oratio. Itaque, qui hactenus nihil nisi fortiter, & elatè, & animosè dicebat, is nunc timore perculsus, abiectus atque supplex ad precandum se conuertit: & inter magnifica verba, timor subito exortus, & tanquam ex insidijs adortus ipsum, atque inuadens, voces ab eo elicit timidas, atque supplices. *Audi*, inquit, *Domine vocem meam*. Sed quam vocem oro? Hactenus enim fiducia quidem plenas multas emisit voces, supplicem autem, aut humilem prorsus nullam. Hic primò dici potest, Dauidem communem grauitè dolentium affectum atque morem sequutum, ita loqui. Etenim qui graui aliquo malo, aut dolore premuntur, antequam malicius, quod ipsos angit, magnitudinè dicant, aut quas habeant dolendi causas exponant, vnum illud, sibi vt aliquid opis afferatur, ab ijs, quos auxilio ferendo aptos vident, petere iterum atque sæpiùs solent. Deinde non absurde dicatur: et si minus ore, corde tamen atque animo, quouamuis breui tempore multa copiosè dici possunt, Dauidem metuentem rebus suis multa precatum, ab interiore sermone in externam hanc prorupisse vocem. Itaque dixisse. *Audi Domine vocem meam*. Nimirum eam, quam iam dudum imò è corde emittebat. Postremò, vt putò, non deerit cui potius videatur dicendum, hoc loco Hebraicè non legi, quæ clamaui ad te, sed futuro tempore, quæ clamabo. Ita his verbis non significare à se petutum esse aliquid antea, sed cum iam iam petere vellet, ac mox petiturus planè

planè esset, eo præmunire futuræ suæ petitioni, & Dei aures dociles & attētas voluisse reddere. *Audi*, inquit, *Domine vocem meam*. Quando, scilicèt, ad te clama-
 mauero, votaꝫ; cordis mei ac desideria exposuero. Nec verò nõ dici debet, quam hic versiculus cum superiori cohæreat, quamꝫue ex illo, tamquã fonte iste riuus ducatur. Quippè superiùs dixerat, se sperare futurum, vt Deus ipsum exaltaret super inimicos suos. Atquæ rerum natura ferebat, vt hæc futurorum suorum certaminum facta ab ipso commemoratio, desiderium vincendi in illo excitaret, & accenderet. Desiderio porrò timor agnatus est: nam quæ ipsi assequi multum cupimus, eorum contrarios euentus valdè timemus. Metuebat ergo interdum Dauid incertos belli euentus, Martemꝫue communem: isꝫue metus è vincendi nascebatur desiderio: desiderium verò ex memoria certaminum futurorum exitit: atq; ita, vt vltima primis copulemus, superior versiculus in quo certaminum Dauidis commemoratio facta est, hunc sollicitudinis ac timoris plenum edidit versiculum. Sed pergit.

T I B I dixit cor meum, exquisiuit te facies mea, faciem tuam Domine requiram.

COMMEMORAT suum erga Deũ amorem, quò magis ipsum prouocet ad sibi ferendam opem. Quaquam hoc ita dicit, vt ambiguum sit, vtrũ amorẽ intelligi velit præteritum, an futurum: id est, vtrũ dicat Deo, quia semper ante id tempus ipsum dilexerit, & studiosus illius atq; amans fuerit: idcirco

Gene. 28.

se non deberi deferi ab ipso, & hostibus tradi. An promittat potius atque polliceatur Deo, se si modo vnquam victorię compos effectus fuerit, collocaturum in ipso omnem spem, atque amorem suum: quale est illud quod Iacob vouisse dicitur: Si fuerit Dominus mecum in via hac, in qua ambulo, & dederit mihi panem ad vescendum, & vestimentum ad induendum, reuersusque fuero prosperę in domum patris mei, erit mihi Dominus in Deum, & lapis iste, quem erexi in titulum. Sed siue hoc, siue illo modo accipiat, utroque modo docet David se non indignum esse, qui a Deo adiuuetur, vel ob pręterita sua erga Deum merita, vel quia illud ipsum liberari ab hostibus suis, & a bellis & certaminibus vacare, quod desiderat, ob id pręcipuę desiderat, ut deinceps quod reliquū est vitę vacare Deo possit, animo pacato atque tranquillo: qui vnus finis iustis hominibus est in omni vita propositus. *Tibi*, inquit, *dixit cor meum*. Specie & tanquam imaginem animi desiderio Astuatis oratio ipsa pręsefert: & certę magnū illud desiderium vacandi Deo, & fruendi ipso, quod animo Davidis includebatur, explicare verbis quid vellet, atque eloqui ipsum satis non sinebat. *Tibi dixit cor meum*. Nec plura addit, sed rursus alio ex principio. *Exquisiuit te facies mea*. Quod ipsum etiam in absolutum reliquit. Tertio atque tandem. *Faciem tuam Domine requiram*. Sed quod ille minus verbis explicuit, quid fuerit loquutus cum suo animo, quidve quęsierit oculis atq; mente, eo amoris sui magnitudinem, & quantis incende-

retur

retur & adureretur charitatis ignibus magis declarauit. Modice enim, vel intra modum potius amat, qui, quod amat, quantumque amat liberè eloqui, & quamuis copiosè exornare verbis potest: ille ardet, qui exorsus dicere in medijs verbis insistit, qui abruptè institutam orationem, qui nihil enucleatè explicat, sed confundens omnia atque permiscens quæcumque amor illi suggerit atque dicat, quæ sunt planè innumerabilia, vno tempore, vnoque etiam verbo conatur cuncta eloqui: & quamuis nihil satis explicet, eloquitur tamē omnia. quod Dauidi vsu venit hoc loco. Nā ista veluti reticentia, & istis quasi singul tu interruptis verbis, quid, quod illi in animo esset dicere, inexplicatum, aut indictū reliquit, *Tibi enim inquit, dixit cor meum.* Id autem est (vt tentemus ipsi modo, si tamen id assequi vnquam poterimus, pluribus explicare verbis, quæ Dauid vno penè dicam verbo conclusit.) hoc itaque est, ad te vnum suspirat, tecum perpetuò loquitur, & alijs mutus cor meū ad te clamare nūquā desistit. Te ita amat, vt quo te appellet, satis apto ad ardorē suū explicādum nomine, nō inueniat. Tu pater illi, atq; adeo mihi es: tu salutis dux, tu lumē, tu vita, fœlicitatisq; omninò meæ princeps atq; Deus solus tu. De te solo cogito semper: tibi vni supplico: canendi de te, finē nullū facio. Nec solū te meū appetit cor: oculi etiā ipsi mei, tuā vbiq; faciē requirunt. Qui sanè oculi quocumque se conuertūt, quod te nō vident, nihil arbitrātur se vidisse. Sed me nullus deterrebit labor à te requirendo, tantum ipse

nolis

nolis auerfari me, & abste iratus repellere, quare sequitur.

NE abscondas faciem tuam à me, ne declines in ira à seruo tuo.

QVI alium auerfantur, ei cum occurrunt, faciē atque oculos aliò conuertunt. Declarat igitur rem ex habitu, dicens: *Ne abscondas faciem tuam à me.* Id est, ne me auerferis. quæ loquendi ratio propria videtur esse harum literarum, in quibus etiam sæpè ponitur facies pro auxilio, & fauore Dei. Sed cur metuebat sanctus Dauid, ne se Deus mutata voluntate desereret, homo non solum de sua erga Deum voluntate optimè sibi conscius, sed de Dei in se amore, tot ab eo acceptis beneficijs, aperta quæ eiusdem voce & testificatione planè certus? Primum, quia nouerat hominis ingenium lubricum esse, & ad delinquendum facile. Deinde, quia nostras nobis voluntates ita ignotas atque abditas sciebat esse, vt sæpè quid ipsi amemus atq; cupiamus statuere nobis cum ipsi vix possimus. Quapropter iure metuebat, ne quod fortè peccatum ad animum suum se inscio irrepsisset, se quæ ignorantem, aut parum certè attendentem maculasset: quod quo magis Deum diligebat eo metuere, aut saltem vereri debebat magis. Nisi si quis illud malit, Dauidem communem expressisse morē eorum, qui aliquid ardentè cupiunt. Nam hi optandi atque precandi, ac singula, quæ ob stare quouis modo suæ cupiditati possunt, cauendi atque deprecandi modū nesciunt. Itaque Dauid etsi semel iam atque iterum
precatus

precatus fuerat Deum, ne se desertum atque auxilio destitutum relinqueret, tamen ob magnitudinem desiderij atque periculi, sibi ipsi nequaquam satisfaciens eadē sepius repetit. Ex quo etiam sunt quæ sequuntur.

AUXILIUM meum fuisse ne derelinquas me, nec dimittas me Deus salutis meæ.

QV O versu verbis tantum commutatis dicit ferre eadem quæ superiori: illud nouum quod allegat, quodque ad persuadendum Deo arbitratus est valere plurimum. Illum, videlicet, semper ante id tempus auxilium sibi tulisse, quasi ita loquatur, & sentiat minimè diuinæ constantiæ atque immutabilitatis esse eum deserere ad extremum, quem semper antea protexisset: neque conuenire Deo, vt breui horæ momento perdere vellet, tot sua beneficia atque dona in ipsum Dauidem per tot annos collocata, & veluti congesta: quod argumentum vrget adhuc. Itaque sequitur.

QUONIAM pater meus & mater mea dereliquerunt me, Dominus autem assumpsit me.

ID est, assumet ipse ad se, quia dereliquerunt illi: nam, inquit, solenne Deo est tueri ac protegere miseros quoscumque viderit, & humana ope destitutos homines. Nam & ob eam causam dignatur vocari pater orphanorum, & vindex viduarum. Tuebitur igitur, & pro suo me habebit, qui ita sum nudus atque desertus, vt me etiam deseruerint, quibus mea salus charissima esse debuerat parentes mei. Sed occurrit acris quæstio, quomodo verum sit parentes

1. Reg. 22

Dauidis ipsum reliquisse, cum constet non solum illos, sed cognatos etiam Dauidis omnes, ut primum ei Saul apertum indixit bellum, statim ipsius partes sequutos, omnes fortunas suas contulisse in communionem, eiusdem temporis atque periculi. Sic enim scriptum est: Abijt autem Dauid ad spelūcam Odolam, quod cum audissent fratres eius, & omnis domus patris eius: descenderunt ad illum. Fortasse hæc scripsit Dauid in ipsa sua fuga, antequam ei quisquam se adiunxisset. Itaque exponit hic illius temporis suam solitudinem, nec tam agit de eo quod sibi postea evenit, quam rerum suarum præsentem statum commemorat. Vel certè hæc retulit ad primum suæ ætatis tempus, cum à Samuele in Regem est inunctus. Nā cum esset Dauid natus minimus filiorū Isai Bethlehemitæ cumque ipsum pater suus videretur negligere, quippè quem ruri amandatum, & tanquam relegatum ouium custodię destinasset, reliquit tamen omnibus ipsius fratribus, qui ut ætate anteibant illum, ita indole animi atque corporis superare ipsum videbantur præteritis, in medio ipsorum Deus per Samuelem illum iuuenem, & penè puerum inunxit, quod erat futuræ regię dignitatis signum certissimum. Id igitur dicit, se, quem sui olim dereliquerant, id est despectui & contemptui habuerant, ut natus minimum, à Deo qui humiles respicit susceptum, hoc est, reliquis suis fratribus antelatum fuisse: quod cum dicit causam reddit, eius, quod proximè dixerat: Auxilium meum tu fuisti, idque auxilium exponit quale

quale fuerit : nam quod Deus ipsum elegit cum negligenteretur à suis, in eo auxilio ei fuisse aduersus contemptum & despectionem videri potuit, Dauidi certè ita visum fuit, idque hoc loco testatur. Sed audiamus quod sequitur.

LEGEM pone mihi Domine in via tua, & dirige me in semitam rectam propter inimicos meos.

SICVT tulisse auxilium Dauidi Deus dictus est, quod à contemptu suorum vindicauit illum, sic quod eodem versu precabatur Dauid, dicens: Ne derelinquas me, ne dimittas me. quid in eo sibi vellet, quid vepeteret isto nunc interpretatur versu. Petebat enim, ne subtrahens sese atque lumen, & directionem suam Deus ipsum luce destitutum aberrare permetteret, in huius mortalitatis lubrica, & plena erroribus semita, quod nūc explanat, cum dicit *Legem pone mihi Domine in via tua, & dirige me in semitam rectam*. Itaque illius versus singula hemistichia declarant subiecti singuli versus. *Legem*, inquit, *pone mihi Domine in via*. Id est, legem, quæ mihi pro duce sit ad ambulandum sine errore in mandatorum tuorum via, ita vt rectà incedens à præscripto legis tuæ nunquam discedam. Sed quid est quod addit? *propter inimicos meos*. An minus multos, minusque sibi infestos inimicos erat habiturus Dauid, aut euasurus erat eorū insidias facilius : idcirco quod ipse per viam legis, & mandatorum Dei inoffensè, & neutram in partem declinans, graderetur? Sanè erat, nullaque sunt arma meliora, quæque nos magis tueantur aduersus ho-

stes nostros, atque defendant, quam custodia legis Dei, animusque innocens, & omni flagitio, atque peccato abstinens vita: cum contra nihil non solum miserius, sed ne imbecillius quidem sit peccatoribus & flagitiosis. Primum, quia virtute carent, id est ipsa animi sanitate atque constantia: ex quo sicut corpora ægra, nec munus suum tueri ipsa possunt, & sunt ad omnes offensiones valde opportuna, sic illi omnibus fortunæ telis sunt violabiles. Deinde, quia in multorum odia incurrunt necessario, multosque qui importunè se, & flagitiosè gerunt, sibi faciunt inimicos. Neque enim flagitiosa vita viui, atque duci potest sine multorum iniuria. Postremò quod est omnium longè miserissimum, quia suis ipsi vitij ac peccatis vires quodammodo, & veluti arma, quibus ipsis noceatur, ministrant inimicis suis. Etenim nulla re ad nobis incommodandum, vel ad nos opprimendum potius, neque paratior, neque munitior, neque magis fortis efficiantur inimici nostri, quam nostris ipsorum vitij. Nā, quis non faueat ei, qui homines consceleratos, & odio, & ferro persequitur? aut qua in re populus quis magis habeat, nō dico approbatorē, sed & impulsorē, & adiutorē, quam si rapacitatē, impudiciā, violentiā, impietatē & eiusmodi labes animi atque peccata reliquas in iudiciū vocatas ad poenā, & ad supplicium rapiat. Omnes enim scelus odimus, etiā illi, qui scelerati & flagitiosi sunt, aliorum item flagitiosè & sceleratè facta detestantur. Hoc quoniam David intelligebat, tametsi vitam suam in magnum periculum atque discrimen.

scrimen adductam esse videret, quod ipsum potentissimus obsideret inimicus, ad omnes aditus opponens se, omnesque ipsi salutis vias intercipiens: tamē non induxit animum petere à Deo, deuium vt aliquod & tutum, & suis ipsius hostibus ignotum iter ipsi demonstraret, quo ipsorum vires posset, & arma effugere: noluitq; etiā petere, vt suas copias atq; opes suppleret, vt equatis viribus contra stare in acie ipse aduersus Saulem posset, & iusto pręlio decerneret: verum illud solum à Deo postulat, vt ipsum inducat in viam legis suę, inductumq; deducat, sine aberratione, sineq; prolapsione aut offensione aliqua. Nimirum intelligens hac vnaratione, se à suis aduersarijs superari posse, atque vinci, ipsum si prius cupiditates vicissent suę, ideòque adiecit.

NE tradideris me in animas tribulantium me.

Id est, ne sinas vt abs te deficiens ipse, & ignorantie humanę lubricas vias ingressus, prolapsusque in eis atque corruens, quod aduersarij mei valdè expetunt, vulnere excipiendo nudum latus aperiam. *Ne tradideris me in animas.* Hoc est desiderijs atque libidini inimicorum meorum, ne permittas me tradi. Ex proprietate Hebraici sermonis, in quo pro desiderio nomen animę ponitur. Quod autem meminit desiderij inimicorū suorum, quo inhiabant ipsius haurire sanguinem, eo tacitè & artificiosè in suam sententiam ipsum Deum magis adducit, id veluti argumentatus ac dicens: æquius multo esse ac Dei bonitate dignius, ipse vt fauceat suis, id est, ipsius Davidis,

iusti, scilicet, & pij hominis votis ac desiderijs, quam ut aliorum, hoc est, impiorum & sceleratorum libidini & cupiditati obsequatur. Nam quis bonus æquo animo ferat, bonos iacere mœstos, improbos verò volitare lætos atque alacres? illos lugere victos, hos victores exultare? illos innocentes dimicare de vita sceleratos & iniurios omni metu liberos formidini alijs & terrori esse? hos bonis circumfluere, illos inopes egere? illorum denique frustrari iusta vota, horum autem impia desideria compleri? eodemque pertinet quod sequitur.

*IN SVRREXERVNT in me testes iniqui,
& mentita est iniquitas sibi.*

N A M eo Dauid hostium suorum personam apud Deum in maius adducit odium, dum præter cætera illorum peccata atque mala, etiam in testimonio dicendo falsitatem illis impingit: quo, quanto eis fuerit irator effectus Deus, tãto ipsi reddatur magis placatus atque propitius. Quamquam vix reperio, quomodo hoc ad Davidis personam pertinere possit. Nam quando is, obsecro, legitur falsis testibus circumuentus? Aut, quis vnquam in illum falsus esse testis scribitur? Nam Saulis quidem animum non aliorum criminationes à Dauide alienarunt: sed illius gloria belli artibus parta invidia ipsum exulceravit: ex quo mox odium sequutum, & ex odio necis studium, cum animo inclusa diutius contineri nō possent, primum ad occultas inimicitias manare cœperunt, postremò in apertum bellum prorupere. Et cantabant

tabant in choris, Saul cecidit mille, & David decem 1. Reg. 18.
millia. Non igitur ista satis quadrant in Davidis per-
sonā. Nisi fortè Dogæum delatorem hoc loco intel-
ligi voluit: verum is Achimelech propriè incom-
modauit non Davidi. Aut nisi hoc malumus, in aula
Regis Saulis fuisse aliquos, qui cum Davidis dignita-
ti, atque apud Regem gratiæ, ad quam ex humili bre-
ui peruenerat, inuiderent: occultè illi obtrectando
semper & detrahendo, Saulis animū ipsum sua spon-
te non satis æquum in Davidem falsis suspicionibus
impleuerunt, & tandem odio præcipitem egerunt.
Quod quamuis non apertè scribatur in libris Regū,
tamen satis potest colligi ex illo, quod David, Sauli
dixisse memoratur, videlicet, Si Dominus incitat te 1. Reg. ca.
26.
aduersus Davidem placetur sacrificio, si autem filij
hominum sint maledicti. Sed quoquo modo ista se
habeāt, illud certè confitendū est, hunc versum aptis-
simè posse intelligi de persona Christi, qui nūc Dau-
dis ore apud Deū patrem de ijs queratur hominibus,
qui se sceleratè accusarunt, & falsis criminibus obrue-
runt. In quo illud animaduerti omninò debet, quod
cū Christus Iesus, cuius ex persona hunc versum acci-
pimus, oppugnaretur à plurimis, idque varijs modis.
Nā alij prodiderūt illū, alij accusarunt, alij cōprehen-
derunt, ab alijs apertè tela in ipsum iaciebantur: clam
ab alijs subministrabātur: deniq; dānatus ab alijs, ab
alijs cæsus, & cruci affixus fuit: & tanquā in scæna cū
fabula agitur, sic in illa Christi causa, & postremò ne-
cis crudelissimæ actu, alij alias personas gesserūt. Cū
igitur

igitur tot haberet Christus, tamque varios inimicos; de reliquis omnibus fileat. Vnum verò illud genus eorum, qui in ipsum falsum testimonium dixerunt, nominatim accusat: quo nos intelligeremus, innocentibus atque bonis hominibus ipsum per se mori, atque ab hoste interfici non admodum acerbum esse: at cum falsi criminis specie quæ sita & obtenta, pro nocentibus habitus ad supplicium rapiuntur, id verò graue illis nimis & intolerandum videri. Etenim dupliciter fit, ut afficiantur poena atque morte, boni & innoxij viri: vel ob id ipsum, quia boni sunt, quod accidebat olim sanctis Martyribus, qui nullum aliud ob scelus poenis subijciebantur, nisi quod pietatis atque Christi fidei veri cultores essent: hoc verò mortis genus, boni non modo fugere aut detrectare nolunt, verum adire atque obire etiam eam mortem cupiunt, ut potè quæ eos illustret & eximijs gloriæ ornamentis afficiat. Itaque, vel interimuntur ob id ipsum, quia boni sunt: vel ob verum quidem crimen falso tamē ipsis obiectum, sceleris damnati extinguuntur, quod est iniuriæ atque calamitatis genus maximum, propterea quod ad iustitiam extinguendam, nomen ipsum iustitiæ sceleratè usurpatur, & sub æquitatis iurisque persona tecta, atque etiam commendata calumnia, in indignos grassatur, nomineque & armis virtutis utitur aduersus ipsam virtutem. Itaque ægrè valde ferunt boni sceleris sibi notam iniuri, aut nomen affigi, & pro sceleratis interfici, aliàs non grauatè mortē appetiri. Non enim solum amittunt vitam, cuius ipsi

ipſi cupiditate minimè tenentur, ſed quod chariſſimum illis eſſe debet, quales ſunt tales videri, quo ex eo apud homines gloria illuſtretur, & nomen Dei, id illis indigniſſimè eripitur, virtutiſque cultores in par-ricidarum numero ponuntur: iuris verò atque æqui oppreſſores vindices ſclerum atq; miniſtri ſanctiſſimarum legum cenſentur, ex quo extitit etiam in diuino vate & ſanctiſſimo homine talis querimonia. Quare reſpiciſ contemptores, & taces conculcante impio iuſtiorẽ ſe, & facies hominis quaſi piſces maris, & quaſi reptilia non habentia ducem? & factum eſt iudiciũ & contradiſſia potentiorum, propter hoc lacerata eſt lex, quia impius præualeat aduerſus iuſtum, propterea egreditur iudiciũ peruerſum. De quo cum iuſti dolent, non tam ſuam & priuatam vicem dolent, quam publicam virtutis cauſam lamentantur. Malè enim cum virtute imò peſſimè agitur, quotieſcunq; id euenit, vt boni pro ſcleratis habeantur. Nam & reliquorum, qui boni eſſe ſtudent, retardantur ſtudia virtutis, & ipſi improbi inſolentiores redduntur, ipſumque adẽdò virtutis nomen ſuſpectum, & inuiſum multis fit: dum ſub eo inſidias humanæ vitæ fieri, & capitalia vitia tegi nonnulli, vel credunt, vel ſuſpicantur: tum qui ſibi ipſis videntur dicaciores anſas inde ſermonis arripiunt, ad publicè atque ridiculè virtuti detrahendum. Vide, inquit, quò euasit fucata illa ſimplicitas, quantum ſcleris modèſtia, ac pudore ſuffuſus vultus ille tegebat, quid abieciſſe pro Chriſto omnia, quid auſterum viræ

Abac. i.

H genus

genus coluisse prodest, quid vigilijs sacris, quid ieiunijs, quid assiduo precandi studio proficuntur? siquid ē illis studijs ista monstra gignuntur? ita ne hoc agebatur illo sacrarum literarum, atque Theologiæ disciplinæ indefesso studio? abeant literę, faceffant pietatis studia. Ille vivit rectè, qui, quod illè dixit, vixit, dū vixit bene. Huiusmodi illi, falsa illa quidem, scelerata impia, quis neget? Nequē enim virtus sui dissimilis esse queat, aut ex aliorum sermonibus naturam suā & ingenium mutet, quamvis accusetur criminose. Itaque falsa omnia, attamen ista falsa, veras interdū & quimjū dolendas strages in castris virtutis edunt, & verasquē calamitates bonis viris important: veras inquā quomodo vulgo iudicatur de bonis malisq;: nam iusto & innocenti homini, quamvis falsi testibus oppresso, quamvisque malè pereunti, nihil mali accidit, si ad divinæ examen rationis nostrā iudicia reuocemus. Nam in paucis, ut scriptum est, vexati, in multis bene disponentur: quoniam Deus tentauit illos, & inuenit eos dignos se. Ergo illi quouis modo cadat alea, beati erunt atque foelices: delatores contra & falsi testes, etiam eo ipso tempore cum se vicisse lætantur, sunt infœlices, & miseri. Neque enim sit falsum quod sequitur.

Sup. 4.

ET mentita est iniquitas sibi.

Id est, aduersum se mentita est, in suumq; ipsius caput recidet, quidquid contra innocentiam falso commenta est. Nam licet conuiuerē interdum Deus videatur, & suorum obliuisci: tamen quam à se ipso, bonita-

bonitateque sua discedere non potest: tam nequit nō
patrocinari innocentibus: Itaque posteaquam illos
in campum, & tanquam in aciem deductos, calum-
nijs & impugnationibus malorum hominum paulu-
lum exercuit, tandem aperit & in lucem profert in-
sidiosas impiorū artes, ydōsque frangit atque debilitat:
aut scilicet, id est, in huius seculi breui vita id interdum
negligit facere, in publico certē totius orbis atque
omnium quicumque vnquam fuerunt cōuentu ho-
minum, est cūulatē facturū. quod cum fiet, menda-
ces, atq; falsi testes turpissimis suorum criminū no-
tis inultis, pbenisq; subiecti in odio atque infamia
erūt sempiterna. bonis verò per calumniā oppressis
non solum suus restituetur honor, sed vita etiam im-
mortalis & gloriæ plena reddetur. Vnde consenta-
neè sequitur.

CR E D O, videre bona Domini in terra viventium.

EN A M vtcumque in hac mortali vita, & in hac
terra, in qua non tam vita viuitur, quam ad acerbos
fortunæ casus subeundos, spiritus ducitur, atq; pro-
pagatur, cum bonis viris actum fuerit: siue aduersa-
rios suos illi vicerint, siue ab eis victi ceciderint: cer-
tum est fore, vt cū ab his locis discesserint in cœli re-
gionibus scēlici fruantur, atque beata vita. Sunt qui
terram viventium hoc loco ludæam dici putēt: quo
certē nominē ab Esaia & Ezechiele vatribus non se
mel appellatur. Appellatur autē sic propterea quod
multum præstaret cæteris orbis regionibus ea terra,
eorūque ad vitā necessaria sunt, & copia, & bonita-

Esa. 53.

te atque ob id maximè sacri vates viuentium terram nominarunt ipsam, quia in eà vna verus Dei retinebatur cultus, reliquis omnibus populis idola colentibus. Ab ea igitur, quia nunc exulabat David, & sperabat, quod illi pollicitus fuerat Deus, suū in eā gloriosum futurū reditum, eo ipsum dicere, sperare se vi futurum bona Domini in terra viuentium, hoc est, in ea terra, in qua, & quod ad vitę copias attinet abundāter, & quod ad Dei cultum & religionem pertinet, sanctè viuatur se visurum bona Dei, id est adepturum promissā sibi à Deo bona, hoc est, vt id tertio interpretet, deletis ipsius omnibus inimicis gloria & imperio potiturum, & quod ipse plurimi faciebat habiturum facultatem adeundi tabernaculum Dei, eiusque ipsius laudes in eo suis comprehensas, carminibus decantandi. Probabiliter quidem hæc, atque adeò ad ipsam rerum gestarum fidem verè dicuntur; sed vt probabilia ista sint, tamen mihi verius apparer, terrā viuentium hoc loco cœlum ipsum dici, & eo perueniendi spe sanctum Dauidem ægritudines suas lenire. Nam & ipsa Iudæa, si quò loco terra viuētium appellatur, ob id appellatur maximè, quia illius plerāq; diuinitus relata erant, ad cælestis patrię statum adumbrandum & significandum: præterquam quod omnis illa Dauidi in patriam restituto promissa regia felicitas caduca erat, atque terrena, & non satis profectò digna, quam vates diuinus, sanctissimus certè virtanti faceret, vt eius vna spe, vel in medijs malis se beatū ac foelicem putaret, ac diceret. Quid? quod ter-

ra viuentium ſi. Hebrææ vocis numerum & ſonum reddamus, terra vitarum interpretâda eſt. Terra autē vitarum, haud dubiè auguſtius nomen eſt, quam vt vlli terrenæ regioni poſſit conuenire, aut ei ſatis aptè tribui, propterea quod hæc, quæ incolimus terrena loca, quamuis & cæli clementia, & ſoli vbertate beata, mortis & morte peiorum malorū domicilia ſunt, non vitæ fecunda loca: tantumque abſunt ab eo, vt iucundè & tranquillè viuendi, aut ipſa habeant, aut nobis dent varias atque multiplices vias, vt vnū hoc vitæ, quod hîc viuitur genus, mortis multo plus quā vitæ habeat, vtpotè quod non ſolū ſeſtinet ad interitum, verū etiam intereat omnibus horis: vt illa non dicam mala, morbos, dolores, & gritudines fortunæ acerbitateſ, quorum iſtæ regiones valdè ſunt quidem feraces. Illa itaque ſola regio, vitarum & ſit, & appelletur terra, in qua malorum expers vita producit per æterna tempora: vbi qui viuunt geminā, & vtramque felicitàſſimam vitam viuunt: vbi & viget animus, & viuut corpus, animus, quia videt atque poſſidet, nullo tempore amittendum Deum, in quo vno maxime animi vita conſiſtit: corpus verò quia abeſt ab eo, non ſolū morbus, & dolor, ſed & moriendi neceſſitas omnis, atque cauſa: adeſtque rurfus, atque ineſt ei, ſumma & pulchritudo, & agilitas. quæ ſunt certè eximia illa & præclara bona Dei, quæ ſanctus Dauid, & videre cupit, & dicit ſe ſperare viſurum in terra viuētium. Quorum ſpe bonorum freti ſancti homineſ, & quo animo præſentia mala ſerūt.

Et quando acius ipsa eos vrgent secūm, & cum animo suo ita loquuntur: Leue esse; & ad momentum temporis durans, nec tam re ipsa, quam nomine acerbum; quidquid id est mali, quod patiuntur, in quo perferendo fortitudinē suam & pietatem erga Deū spectari ab eodem ipso Deo; qui paratus cum sit, idq; pollicitus fuerit ipse, pro malorum patientia, proque vita mortali; & terrena amissa, dare immortalem in cælo; atque beatam vitam, nimis angusti, nimisque pusilli; atque adeo abiecti animi esse, quæ tam paruo veneant, tam eximia bona emere non audent. Itaque se ipsi cōfirmant. Sed adsunt cæterique impiorum; & ut sibi videntur, & aliorum hominum ista omnia irridentium & miserorum hominum solatia appellantium, itaque dicentium: Nec vera illa esse, nec verosimilia villo modo, stultitiæq; prorsus atque dementiæ cōdemnandos esse eos, qui; quæ vident atq; sensibus suis percipiunt, neglectis, quæ nunquam sunt, certè quæ nemo hominum dicere audeat se vidisse, ea sequantur atque ament. Quorum aduersus voces atque opiniones impias, quo in sua persona armaret David, atque præmuniret omnes bonos, quicumq; vnquam futuri sunt; pulcherrimum hoc suum carmen, talis fine conclusit,

E X P E C T A Dominum & viriliter age, & confortetur cor tuum, & sustine Dominum.

Q V A expolitione sermonis, & in eandem sententiam tot repetitis verbis acriorem adhortationem fecit. Ex quo etiam intelligimus, quam sit difficile stare

stare iustos in acie fortes & iniuctos, quando non solum aduersus illos fortuna pugnat, sed etiam perditorum hominum, quorum est maxima multitudo praua iudicia insurgunt, telaq; in illos omnes iaciunt: Deusque ipse interim subtrahere se se illis videtur, neque auxilij sui atque fauoris lumen ipsis pretendere. Nisi enim in magno desperationis & ad impios defectionis periculo versarentur, tam acer in adhortando Dauid, tamque vehemens profectò non fuisset. Itaque quemadmodum cum quis aduerso flumine, aut lembum remis agit, aut seipsum natatu propellit multis è littore spectantibus ipsum: si quando id accidit, vt fluctu ipso & rapiditate fluminis obrutus retrò in præceps feratur, ipsa magnitudo periculi, non solum intentos spectatores reddit, sed etiam auxilij ferendi cupidos. itaq; illud vnum certatim omnes quod possunt, ne cede, vince, supera, magnis clamoribus iterare non cessant: sic hoc loco Dauid ad omnes eos, qui in acie acriter dimicantes interea dum cunctatur Deus, seque ipse continet, grauitè sub armis laborant conuersus, eisque animum addens, ita fatur. *Expecta Dominum.* & iterum. *Viriliter age.* & tertio. *Confortetur cor tuum.* postremò atque tandem. *Et sustine Dominum.* Et profectò, verum si quærimus, quod bonos & innocentes homines, dum ab alijs iniurijs se premuntur, maxima solitudine afficit: quodque eos lædit maximè, & periculo cadendi, & à patientia ac pietate deficiendi, propiores facit: non tam ipsa per se, quæ patiuntur mala sunt, quam illud vnū quod

quod infirmitate quadam ingenij, & conditionis humanæ, vel omninò non curare Deum humanas res: vel certè suas ipsorum negligere, offensumq; aliquo eorum peccato, quod ipsos lateat discessisse ab eis illum, ipsosque tradidisse inimicorum suorum libidini vexandos atque perdendos, non quidem illi planè iudicant, sed ad id ut iudicent, & rerum ipsarum in dignitate & acerbitate quas tolerant, & ignoratione sui ea, quæ est humano generi propria, & verò òpera & studio dæmonum id maximè cupientium persuadere nobis, & propterea nostris cogitationibus sæpè id subiicientium, nosque implentium multis huiusmodi suspicionibus inducuntur & impelluntur. Ex quo sunt illæ voces. Mei autem pene moti sunt pedes: pene effusi sunt gressus mei, quia zelavi super iniquos pacem peccatorum videns. Et rursus. Ergo sine causa iustificavi cor meum, & laui inter innocentes manus meas, & fui flagellatus tota die, & castigatio mea in matutinis. Illaq; Esaiæ ex persona populi Dei. Dereliquit me Dominus, & Dominus oblitus est mei. Igitur quod illorum animos maximè discruciat, id est, quod à gratia Dei, ad cuius vnus confugerant præsidium, & in quem vnum contulerât omnes suas spes cecidisse se suspicantur. Cuius rei in Christo magnum extat exemplum. Non quidè quod ille à Deo, hoc est, à se se desertum se esse, aut omninò posse desereri, vel putauerit, vel suspicatus fuerit vnquam: sed quoniam omnium earum rerum, quæ acerbæ & toleratu difficiles videntur esse sensum ad se, & affectu traduxerit.

traduxerit. Is igitur cum in ea humili specie, quam ex nobis, pro nobis assumpsit grauissimas iniurias, & tormēta acerbissima pertulisset: ad cetera tacens, ac propē mutus, illud vnū, quod se pater suus obliuisci esset visus, questus est intenta & lamentabili voce. Deus, inquit, Deus meus, vt quid dereliquisti me? *Matt. 27.*
 Quocirca, quod acerbius ferunt iusti, eo oportuit magis, vt eos Dauid iterum atque sapius adhortando ad perferendum, & constanter agendum, Deumque in primis, quamuis longas moras trahentem expectandum erigeret, atque incitaret. Quod autem sepe iam dicimus morari Deum, & lente agere, & vix tandem ad iustis opitulandum adduci, id non tam ex re ipsa verum esse intelligendum est, quam ex hominum opinione atq; desiderijs. Nam Deus ipse, quoniam cuncta latē videt, & sapientiæ quadam immensitate omnium temporum res gestas, earumque inter ipsas consensu, atque nexus, & quid cuique conueniat, & quo quidque agi tempore, quo ve omitti oporteat, vno aspectu intuetur, suo quamcunque rem loco, suoque & opportuno tempore scientissimē & prudentissimē facit. At hominis exigua & angusta mens, vtpotē quæ neque tam longē, latēque prospicere, neque vno simul tempore cogitatione tot res comprehendere, neque si comprehendat, inuicem conferre ipsas inter se possit, ex sua ipsius exiguitate tempus Deo, atque modum iudicandi, & pœnas de hominibus sceleratis sumendi statuit atque præfinit, quam nostram præfinitionem atque præ-

scriptum: quoniam Deus meliore consilio sæpè negligitatque transgreditur: ipsum morari, atque lento gradu incedere, videri nobis dicimus: ita quidem certè loquimur, cunctatoremque & lentum, & procrastinatorem vocitamus illum. Atque vbi accidit, vt qui ista Deo definimus iudicandi & auxiliij ferendi tempora in malis ipsi atq; asperis versemur rebus, quoniam omnis & dolor corporis, & ægritudo animi dilationis est impatiens, nisi precantibus nobis, & adiuuari nos ab ipso petentibus continuò adsit ipse Deus, & ex nostro desiderio calamitati, quam patimur, modum imponat, negligi nos ab eo arbitramur, nosque proindè miseros dicimus, nostrasque querimur & lamētamur perditas & profligatas fortunas. Quare tales qui sunt, ij profectò sæpius sunt admonendi Dauidem vt audiant, Deumque quamuis morantem expectent atque sustineant: vt non ex animi eorum libidine, aut ex angustijs mentis suæ, Deū vel irasci, vel deponere iram velint: vt quādo ipsis auxiliij ferendi tempus præterijisse videtur, ne aduenisse quidē illud, satisve adhuc esse maturū existiment. denique, vt cognoscant atq; considerent quid nobis expediat, quidve secus nescire sæpè nos: Deo autē ipsi cognitū id, & exploratū esse. nec segnem illū esse aut pigrū, neq; imbecillum, aut timidū, nobis vt benefacere, aut nolit, aut nequeat. exerceri virtutē atque illustrari patientia malorum, vitia, quæ sunt labes animi aduersorum acerbitatibus elui, pro terrenis rebus & citò perituris amissis, bona diuina, & æterna reddi solere.

folere: nihil denique longum esse finem quod habeat. & certè quo malorum tanquam tempestas maior, magisque sæua fuerit, eo maiorem tranquillitatē & serenitatem futuram. sperantium in Deo & fortiter ad extremum vsque contendentiū fœlicissimos exitus semper fuisse. denique non si ea mala quibus afficiuntur acerba ipsis & non ferēda videntur, Deo ipsi, cuius falli nō potest iudicium perinde graua videri: nomine mala prædicari, re ipsa beatæ vitæ seminaria esse. Hieremiam vatem illud verè scripsisse. Bonum est viro cum portauerit iugum ab adolescentia sua, sedebit solitarius & tacebit, quia leuauit se supra se, ponet in puluere os suum, si fortè sit spes, dabit percutienti se maxillam, satiabitur opprobij, quia nō repellet in sempiternum Dñs, quia si abiecit & miseretur secundum multitudinem miserationum suarum. non enim humiliavit ex corde suo, & abiecit filios hominum. A T Q V E, vt de alijs taceā, & de me vno, qui hæc cum scribo, carceri addictus & violatæ fidei reus factus maximis premor malis, & agam, & loquar, meamque ad me ipse orationem conuertam. An quia decimus iam mensis agitur, ex quo inimici mei de me triumphum agere cœperunt, & cū apud iudices criminando, tum apud homines vniuersos detrahendo & obloquendo, caput meum oppugnare non cessant, neque leuatio aliqua malorum ostenditur, aut effulget vlla salutis spes, idcirco animum ipse despondeam, & Deum non allaturum innocentiae auxilium putem? Absit à me, absit persuasio tam

Hiere. 3.

impia. Nunquam ego, pater sanctissime, ne si omnia mala irruant in me, aut minus bene de te iudicabo, aut oculos meos abste, aut spem dimouebo. Nunquam de te sentiam, nisi quæ de optimo atque indulgentissimo patre, æquum est sentiri atque credi. Nā vt eorum nunc obliuisci bonorum velim, quæ superioribus annis multa atque magna in me contulisti, hoc ipsum, quo premor, quod meum nūc angit animum, in quo seuerè mecum videris agere & irati, atque offensi personam sustines, totū ab eximio quodam amore tuo erga me fateor esse profectum. Nam quem exitum vita erat habitura mea, quo non progressura impunitate ipsa corroborata, nimia mea audacia peccandi, si me in ea, quam institueram, progredi via siuisses? aut nisi mihi effrænato & cæco, & in præceptis ruētī frænum iniecisses timoristui? Deliqui, fateor, multa miser in te, plurima in me, in reliquos homines multa peccaui: intestinæ cupiditates meæ supergressæ caput meum, arcem animi hostibus tradiderunt: proditus sum à me ipso. Et cum tu puerum me antequam terrenis curis inficerer ad religiosum vitæ genus, id est, ad te vocauisses, iuuenem rerum optimarum studio inflammasses, & iam adulta ætate virum donis tuis cumulasses, & magnis, & plurimis, pro tot actantis beneficijs malam ipse gratiam tibi retuli: nec solū ingratus tibi fui, sed etiam quod in me fuit, mihi ipsi exitialis. Nam, quid aliud promerui, quam vt sceleris damnatus, pœnisque addictus obliuioni sempiternæ me traderes? Sed, quæ te com-

pulit

pulit tua bonitas, vt mihi puero nihil dum de te merito olim faceres bene, eadem impulit, vt erranti mihi nunc, & in scelus ruenti, & tua sanctissima iussa in gratè aspernanti, seueriori pœna metum incuteret. Quoad licuit, & quoad fieri potuit benignè te mihi, & indulgentē exhibuisti. at vbi me ista tua indulgentia abuti vidisti, eaquē magis in dies corrumpi, malumquē quotidie serpere latius, medicamentum morbo sanando quod esset aptum mordax, atq; acre adhibuisti. ratio agendi variata est, non cōmutata benefaciendi voluntas. Nunquam enim inimici mei aduersum me tantum potuissent, nisi tu conatu illorum iniusto abuti velles ad meam salutem. Nā, quid in meos mores minus cedit quam infidelitas? quidve magis à me alienum, quàm à rectæ fidei integritate deficere, qui semper optarim, vel capitis, atque fortunarum omnium periculo ipsam tueri? Sed quo magis esset perspicuum, tuo potius quam hominum consilio rem istam geri: idcirco nunc illo lædor, quod si res ritè expendatur, erat infirmissimum ad lædendum. & qua parte videbar aduersus hostiles appetitiones maximè munitus & tutus, ab ea nunc parte omnia illorum tela nudo latere excipio. Falsis aliorum criminationibus vera peccata mea in me punis, & cum insimulari me finis eius criminis, quod nunquam commisi, pœnas à me exigis, ob ea peccata, quæ admisi: & aliorum iniusta actione iustè tu, imò piè & amantè corrupto vitij animo meo, ne funditus interirè ferrum atq; ignes adhibes. Iam numen tuum pater

agnosco, iā mihi totus displiceo, & quod te miser offendi, doleo, atque discrucior: ignosce pie, ac iam tandem placatum redde te mihi: idem amor qui imposuit, iam tibi detrahat seueritatis istam personam: hactenus aliorum mendacijs ad meam salutem abusus es, iam saluo me, ac tibi reddito veritas ipsa, sibi vt patrocineris suo quodammodo iure abste postulat: vindicatum est in me atque sequitum, pro eo quantum commerui sanè parum, at pro tua placabili, & in tuos indulgenti natura ferè satis. iam tu meritis oppitulari laboranti innocentie. Recordare Domine filiorum Edom in die Hierusalem, qui dicunt exinanite, exinanite, vsque ad fundamentum in ea. Quamquam ego illos vlcisci non cupio, eos laqueos mihi quos tendebant, exuere opto. semper illos misericordia potius, quam odio dignos duxi: eosque, qui iniuriam mihi fecerunt, me qui iniuriam ab ipsis illatam sustineo, esse magis miseros iudico. Sint illi per me felices, atque ampli, nihil obsto: vt mihi ab illorum calumnijs libero liceat, quam purè erga te fidē seruauī, eius fidei apud homines bonam estimationē integrā retinere, id verò suppliciter postulo. Auxilium tu mihi fuisti à iuuentute mea, nunc cum maximè deficit virtus mea, ne derelinquas me. Esto lux densis tenebris malorum oppresso, esto salus de fama, & de fortunis omnibus dimicanti, dissipa consilia impia, & cælesti immisso lumine detege mēdatia atque fraudes: meque his eripe malis, ereptumque meis, id est, tuis famulis redde: & à mortis locis vindica me ad vitam

te regionem. Quod si minus hoc mihi, tuę certè id natura debes, debes bonitati, debes fidei, debes clementiæ. mihi namque certum est instare apud te precibus semper: tuas patietissimas aures meis querelis obtundere: non quiescet pupilla oculi mei, & quâuis sæpè repulsus, sæpiùs clamabo. Domine vim patior, responde pro me. dabis instanti, quod denegas peccatori. idque cum dabis plurimorum, qui mea causa laborant, grata ora in tuas laudes resolues, qui vnus sempiterna laude dignus es verè vnus, & verè trinus Deus:
Amen.



VA1
1527311

THE HISTORY OF THE
LIFE OF JOHN DE Witt
BY JOHN DE Witt
VOLUME I
NEW YORK
1797



1797
UNIVERSITY OF AMSTERDAM
LIBRARY





